

四庫全書

子部

欽定四庫全書

子部

古今合璧事類備要別集卷十七至十九

詳校官中書臣張經田

主事臣祁韻士覆勘

總校官知縣臣楊懋珩

校對官中書臣雷純

謄錄監生臣蔣厚傳

欽定四庫全書

古今合璧事類備要別集卷十七

宋 謝維新 撰

宮室門

堂宇

宮室紀要

宇以堂名除地而屋也按劉熙釋名以為堂萬顯之貌架斯堂也寧非欲便觀覽

速眺望而使人感物態一舉目而盡在是耶然或託

已而

事類弗肯

若考作室既底法厥子乃

不趨

堂上

堂除

禮考工記

堂高

題數尺孟子

撮齊

躬如也論語

接武

堂上

聲必揚

將上堂

遜而升

兩君相見揖

樂闋記孔

高三尺

堯舜堂

彈五弦

舜

子問居

威公讀書

斷輪於堂下莊大道篇

叔向聞

言

叔向適鄭驪蔑慈立於堂下一言而善

之不可以已也

倨堂而應

老子見孔子

下堂而見

王

如是左昭十八

王坐於堂

齊宣

侯柳封建論

王坐於堂

堂下者王見之曰牛何之對曰

將以釁鐘王曰舍之吾不忍其較棘若無罪而就死王  
地對曰然則廢釁鐘與曰不可廢也以羊易之孟子

又升堂

魯共一孔子一聞金石絲竹之音乃不壞宅

起白玉堂

漢武帝一在

太液池南造萬金臺

漢靈帝一於西園

建斬御史

漢胡一為軍正監察一於

皇堂

融授生徒

漢馬一常坐高堂施絳紗帳前一一

世稱其麗

顧彥暉梓有鏡

堂一一一彥暉嘗繪諸將堂上孔帖

帝榜其額

馬燧起義堂一一以寵之同上堂如

偃月

李林甫有一一一號月堂每欲排斥大臣即居之思所以中傷者若喜而出即其家碎矣堂

號德星

見齋門注

費緡千萬

貴妃楊氏諸姨等舍聯亘率一堂一一一孔帖

貯瑟

三斗

號國堂成以金盆一一以賞匠者明皇雜錄

結草為廬

盧鴻廬嵩山官營草堂孔

帖以芸塗癖

元載末年造芸暉堂於私第芸暉香草也出于閩國其香潔白如玉入土不朽為屑

以塗壁故號芸暉焉更以沉檀為梁棟飾金銀為戶牖唐杜陽編

柱生槐枝

孫倓始家堂一一

一暮而茂既而倓秉政孔帖

手植三槐

太祖與符彥卿有舊俾知大名府有告其謀反者以王晉

公祐為代且委密訪其事戒曰得實當以趙普所居官命汝面投旨徑使上道祐到察知其妄數月無所聞驛

召面問因力為辨曰臣請以百口保之太祖不樂從祐知襄州竟亦無他祐後創居第於其門外一一一於

庭曰吾雖不為趙普後世子孫必有登不為生客蘇子三公者已而魏公累為太保石林燕語

棲賢堂記讀之便如在堂中見水石陰森草木膠轕也僕當為書之刻石堂上且欲與廬山結緣他日入山一一

志林韓退之谿堂詩憲宗之十四年始定東平三分其地以華州刺史禮部尚書兼

御史大夫扶風馬公為鄆曹濮節度觀察等使鎮其地  
既一年褒其軍號曰天平軍上即位之二年召公入且  
將用之以其人之安公也復歸之鎮上之三年公為政  
於鄆曹濮也適四年矣治成制定衆志大固惡絕於心  
仁形於色靖心一力以供國家之職于時沂密始分而  
殘其帥其後幽鎮魏不悅於政相扇繼變復歸於舊徐  
亦乘勢逐帥自置同於三方惟鄆也裁然中居四隣望  
之若防之制水恃以無恐然而皆曰鄆為虜巢且六十  
年將疆卒武曹濮於鄆州大而近軍所根柢皆驕以易  
怨而公承死亡之後擬拾之餘剥膚推髓公私埽地赤  
立新舊不相保持萬目睽睽公於此時能安以治之其  
功為何若幽鎮魏徐之亂不扇而變此功反小何也公  
之始至衆未熟化以武則忿以憾以恩則橫而肆一以  
為赤子一以為龍蛇億心罷精磨以歲月然後致之難  
也及教之行衆皆戴公為親父母夫叛父母親讎仇非  
人之情故曰易於是天子以公為尚書右僕射封扶風

縣開國伯以褒嘉之公亦樂政之和知人之悅而侈上之賜也於是為堂於其居之西北隅號曰谿堂以饗士大夫通上下之志既饗其從事陳曾謂其衆言公之畜此邦其勤不亦至乎此邦之人衆公之化惟所令之不亦順乎上勤下順遂濟登茲不亦休乎昔者人謂斯何今者人謂斯何雖然斯堂之作意其有謂而暗死詩歌是不考引公德而接邦人於道也乃使來請其詩曰帝奠九壠有葉有年有荒有條河岱之間乃我憲考一收正之視邦選侯以公來尸公來尸之人始未信公不飲食以訓以狗孰飢無食孰呻孰嘆孰寃不問而得分願孰為邦蠹節根之螟羊狼狼貪以口覆城吹之煦之摩手拊之歲之石之膊而磔之凡公四封既富以強謂公吾父孰違公令可以師征不寧守邦公作谿堂播播流水淺有蒲蓮深有菰葦公以賓燕其鼓駭駭公燕谿堂賓投醉飽流有跳魚岸有集鳥既歌以舞其鼓考考公在谿堂公御琴瑟公暨賓贊稽經詠律施用不差人



用不屈谿有菴菴有龜有魚公在中  
流石詩左書無我戮遺此邦是休  
柳宗元新堂記為

穹谷嵒巖淵池於郊邑之中則必輦山石溝澗壑凌絕  
嶮阻疲極人力乃可以有為也然而求天作地生之狀  
或無得焉逸其人因其地全其天昔之所難今於是乎  
在永州實惟九疑之麓其始度土者環山為城有石焉  
翳于奧草有泉焉伏于土塗地虺之所蟠狸鼠之所游  
茂樹惡木嘉葩毒卉亂雜而爭植號為穢墟韋公之來  
既逾月理甚無事望其地且異之始命芟其蕪行其塗  
積之丘如蠲之澍如既焚既醜奇勢迭出清濁辨質美  
惡異位觀其植則青秀敷舒視其畜則溶漾紆餘怪石  
森然周于四隅或列或跪或立或仆竅穴達邃堆阜突  
怒乃作棟宇以為觀游凡其物類莫不合形輔勢效伎  
於堂廡之下外之連山高原林麓之崖間厠隱顯邇延  
野綠遠混天碧咸會於燕門之內已乃延客入觀繼以  
宴娛或贊且賀曰見公之作知公之志公之因土而得

勝豈不欲因俗以成化公之釋惡而取美豈不欲除殘而佑仁公之蠲濁而流清豈不欲廢貪而立廉公之居高以望遠豈不欲家撫而戶曉夫然則是堂也豈獨草木土石水泉之適歟山原林麓之觀歟將使繼公之理者視其細知其大也宗元請志諸

歐陽脩有美堂記

嘉祐

二年龍圖閣直學士尚書吏部郎中梅公出守於杭於其行也天子寵之以詩於是始作有美之堂蓋取賜詩之首章而名之以為杭人之榮然公之甚愛斯堂也雖去而不忘今年自金陵遣人走京師命予誌之其請至六七而不倦予乃為之言曰夫舉天下之至美與其樂有不得而兼焉者多矣故窮山水登臨之美者必之乎寬閒之野寂寞之鄉而後得焉覽人物之盛麗誇都邑之雄富者必據乎四達之衝舟車之會而後足焉蓋彼放心於物外而此娛意於繁華二者各有適焉然其為樂不得而兼也今夫所謂羅浮天台衡岳廬阜洞庭之

廣三峽之險號為東南奇偉秀絕者乃皆在乎下州小  
邑僻陋之邦此幽潛之土窮愁放逐之臣之所樂也若  
乃四方之所聚百貨之所交物盛人衆為一都會而又  
能兼有山水之美以資富貴之娛者惟金陵錢塘然二  
邦皆借窮於亂世及聖宋受命海內為一金陵以後服  
見誅今其江山雖在而頽垣廢趾荒烟野草過而覽者  
莫不為之躊躇而悵愴獨錢塘自五代時知尊中國効  
臣順及其亡也頓首請命不煩干戈今其民幸富完安  
樂又其俗習工巧邑屋華麗蓋十萬餘家以湖山左右  
映帶而闡商賈風帆浪舶出入於江濤浩渺煙雲杳  
靄之間可謂盛矣而臨是邦者必皆朝廷公卿大臣若  
天子之侍從又有四方遊士為之賓客故喜占形勝治  
亭榭相與極遊覽之娛然其於所取有得於此者必有  
遺於彼獨所謂有美堂者山水登臨之美人物居邑之  
繁一寓目而盡得之蓋錢塘兼有天下之美而斯堂者  
又盡得錢塘之美焉宜乎公之甚愛而難忘也梅公清

慎好學君子也視其所好可以知其人焉四年八月丁亥廬陵殿陽脩記梅公作此堂最得登臨佳處歐公

為之作記人謂公未嘗至杭而所記如目覽坐堂上者使之為記未必能如是之詳也見文集張文潛

# 冰玉堂記

熙寧中余為臨淮主簿始得拜劉公道原於汴上是時道原方脩資治通鑑而執政有素

高其才者將用以為屬道原義不屈遂以絕復以親老求為南康酒官故書未成而去余既慕公之義而望其眉宇聽其議論其是非予奪之際凜然可畏而服也士大夫皆曰劉君之賢非獨其信道篤立心剛博學洽問之所至是蓋得父之風烈公之父諱煥字凝之有詞學為小官數以事屈在勢者節高不能容於世年五十餘為潁上令即致仕歸隱於廬山築室種蔬而食之無求於物人皆師尊焉於是既老矣公歸廬山無幾何得疾以元豐元年九月卒公諱恕道原蓋其字後十餘年而當元祐元年余受詔校資治通鑑於秘書省是時公同

時脩史之人往往而在道公之事本末尤詳皆曰道原  
廉介剛直其仕必欲達其道不以一毫挫於人者也方  
其激於義而作雖足蹈坎井手攬虎兇視之若無見雖  
古烈士或愧焉平居自負經濟大畧而視其為吏則嚴  
簿書束胥吏撫鰥寡繩豪猾纖悉曲當皆可為後法其  
學自書契以來以至于今國家治亂君臣世系廣至於  
郡國山川之名物詳至於歲月日時之後先問焉必知  
考焉必信有疑焉必決其言滔滔汨汨如道其鄰里族  
黨之事也其著書有疑年譜年略譜通監外紀十國紀  
年惟十國紀年先成世傳之世以比遷固散向公亦自  
以不愧而自范曄以降不論也當時司馬君實歐陽文  
忠疏通史學貫穿古今亦自以不及而取正焉疑之晚  
善養性篤行老益壯年八十二後道原數年卒累官至  
屯田員外郎其終也未嘗疾沐浴正冠而絕嗚呼亦異  
矣元符中余補官廬陵道原之子義仲主簿於德安叙  
其大父與父之事示予且曰頃眉山蘇子由嘗道廬山

拜我大父於牀下出而歎曰凜乎非今世之士也其卒  
為詞以哭曰疑之為父與道原之為子潔廉不撓冰清  
而王剛鄉人是其言名吾大父所居之堂曰冰玉君為  
我實記之余曰昔司馬談能推明孔子作春秋之意欲  
為史未成以授其子遷而遷遂能網羅三代放逸舊聞  
馳騁上下數千載成一家之書與六經並傳父子之於  
文學美矣節無間焉疏廣受於宣帝有師傅恩而父子  
一旦棄去視捨富貴如棄塵垢骨月之際風節同矣而  
文學無傳焉孰如君家父子文學風節輝輝並著名立  
於父而顯於子千載之遠四海之廣而一家擅之嗟乎  
世固未嘗有也余始應舉時與道原之弟格遊愛其學  
博而論正是蓋得其兄之餘而義仲敏於學而健於文  
屹然好名而立節者也余知冰玉堂之酒埽有繼矣其  
爵里世系與其行事之詳則既有誌之者矣故不復出  
因為詞以系之曰 我所思之人兮嗟可想而不可見  
意其人兮俯青雲而下晚矚九日而不眩超然不知其

朱元晦永玉堂記

南康使君曾侯致虛既薨屯田劉公之墓明年乃訪得其故居遺趾於郡

何之兮遺此空山之故居豈訪重華而陳誼兮父唱子和與仙聖乎為徒紆為雲霓兮注為江湖偉為哲人兮我言在書超駕言而從之兮指廬山乎休吾車耕山而食兮梁谿而漁儼頓轡而不敢留兮恐其尚謂我污也治之東暇日屏騶馭披荊棘而往觀焉問其北隱然以高者則劉公所賦之東臺也顧其南窅然以下者則詩序所指之蓮池也蓋自兵亂以來蕪廢日久唯是僅存而其他則皆漫滅不可復識矣曾侯為之躊躇四顧喟然而嘆曰凝之之為父道原之為子其高懷勁節有如歐馬蘇黃諸公之所道是亦可謂一世之人豪矣想其平日之居此林塘館宇之邃詩書圖史之盛既有以自適其適而一時遊且宜於此邦者亦得以叩門避席而考德問業焉何其盛也顧今百年之外臺傾沼平鞠為灌莽而使樵兒牧子皆得以嘯歌躅躑於其上又何其

可悲也雖然此吾事也不可以不勉乃出少府羨錢贖之民間垣而墜之以合於郡圃崇石以崇其臺引流以深其池遂作冰玉之堂於臺之西北而繪劉公父子之象於其上且聞陳忠肅公之嘗館于是也則又繪其象以侑焉既而所謂是二堂漫浪間者亦以次舉而皆復其舊既成使人以圖及書來屬予記予惟異時承乏此邦亦嘗有意於斯而不克就今披圖考驗尚能憶其彷彿固喜曾侯之敏於事而能有成矣抑予又有感焉近歲以來人心不正行身者以同流合污為至行任事者以便私適已為長策其間劉氏父子之風不墜而置之者幾希矣欲其能如曾侯一以表賢善俗為心而不奪於世豈可得哉於是既書其事而適有以陳令舉騎牛詩畫為寄者因并以遺曾侯請

蘇子瞻醉白堂記

故魏國忠

獻韓公作堂於私第之池上名之曰醉白取樂天池上之詩以為醉白堂之歌意若有羨於樂天而不及者天



下之士聞而疑之以為公既已無愧於伊周矣而猶有  
羨於樂天何哉軼聞而笑曰公豈有羨於樂天而已乎  
且願為尋常無聞之人而不可得者天之生是人也將  
使任天下之重則寒者求衣飢者求食凡不獲者求得  
苟有以與之將不勝其求是以終身處乎患難之域而  
行乎利害之途豈其所欲哉夫忠獻公既已相三帝安  
天下矣浩然將歸老於家而天下共挽而留之者莫釋  
也當是時其有羨於樂天無足怪者然以樂天之平生  
而求之於公較其所得之厚薄淺深孰有孰無則後世  
之論有不可欺者矣文致太平武定亂略謀安宗廟而  
不自以為功急賢才輕爵祿而士不知其恩殺伐果敢  
而六軍安之四夷八蠻想聞其風來而天下以其身為  
安危此公之所有而樂天之所無也乞身於強健之時  
退居十有五年日與其朋友賦詩飲酒盡山水園池之  
樂府有餘帛廩有餘財而家有聲妓之奉此樂天之所  
有而公之所無也忠言嘉謨故於當時而文采表於後

世死生窮達不易其操而道德高於古今此公與樂天之所同也公既不以其所有自多亦不以其所無自少將推其同者而自託焉方其寓形於一醉也齊得失忘禍福混貴賤等賢愚同乎萬物而與造物者遊非獨自比於樂天而已古之君子其處已也厚其取名也廉是以實浮於名而世誦其美不厭以孔子之聖而自比於老彭自同於丘明自以為不如顏淵後之君子實則不至而皆有侈心焉臧武仲自以為聖白圭自以為禹司馬長卿自以為相如楊雄自以為孟軻崔浩自以為子房然後世終莫之許也由此觀之忠獻公之賢於人也遠矣昔公嘗告其子忠彥將求文於軾以為記而未果公薨既葬忠彥以告軾以為義不得辭也乃泣而書之

詩集鸞栖

鳳一堂  
燕入

舊時王榭堂前一飛

尋常百姓家劉烏錫

依竹

野外堂

杜蔭茅

背廊堂成

宿霧披

公堂

西郊向

時出碧  
鷄坊

一一草堂  
並同上

風露入

一一氣  
秋堂涼韓

達者升

游夏三千志  
一得一堂杜

高

且新

中堂  
一一韓

開襟豁

一一野  
堂一杜

古今合璧事類備要別集卷十七

欽定四庫全書

古今合璧事類備要別集卷十八

宋 謝維新 撰

宮室門

齋舍 附

書院 書堂  
精舍

宮室舉要

齋者其書院精舍之別名乎古者國有學鄉有校遂有序黨有庠而家有塾未聞所謂齋之號也齋之號始於何時乎蓋嘗讀莊子而聞

吾孔顏有心齋之說然非此之齋也爰自梁武帝造寺蕭子雲飛帛大書一蕭宇其後有寺約之者見之買而歸東洛建一小室以玩之而號之曰蕭齋然則

齋之立名或者其殆昉諸此也按說文齋潔也取其  
戒潔之義以為室也亦猶夫學之為言覺也校之為  
言教也序與庠之為言射也其義不既深已乎然使  
士君子居之不能平其心定其氣一其視聽祇以此  
為遊觀燕逸之地是徒竊古人之美名而未免戾古  
人之實意雖有此齋誰無此齋反而求之與其為李  
約之之蕭齋曾不若顏氏子之心齋之為  
有得也然則後之名齋者當如之何哉

事類蕭齋

劉約之杜陽雜編

高齋

在寧國府治東謝元暉有詩  
又杜少陵居夔三徙居皆名

一其詩曰次水門者白帝城之一也曰依藥餌者  
一其詩曰次水門者白帝城之一也曰依藥餌者  
一其詩曰次水門者白帝城之一也曰依藥餌者

東府

梁宣城王為揚州刺史顧野王及王褒為賓客野  
王好丹青於一一起齋舍野王畫七賢命王褒書

贊稱為

秋聲

一齋在撫州郡治後老屋數椽人  
跡罕至改曰拙齋見朱文公文集

竹齋

唐張渭題從弟河州判官一  
**榕齋**在富順治  
詩竹裏藏公案花間隱使車  
以一木名便齋

居光德里創一一宣宗歎曰卿一門孝  
友可為士族法因題曰德星堂孔帖  
**湖學**自慶厯中

教學於蘇湖間二十餘年來修弟子前後以數千計是  
時方尚詞賦獨一一以經義及時務學中故有經義齋

治事齋經義齋者擇疏通有器局者居之治事齋者人  
各治一事又兼一事如邊防水利之類故天下謂湖學

多秀彥其出而簞仕往往取高第及為政多  
適於世用若老於吏事者由講學有素也  
**太學**皇祐

安定先生胡瑗為國子監講書專管勾一一數年進天  
章閣侍講猶兼學正每公私試罷掌儀率諸生會于首

善堂合雅樂歌詩一夜乃散諸齋亦自歌  
詩奏樂琴瑟之聲徹于外並呂氏家塾記  
**四益**在袁州

郡治張杓刻魏  
公所書一一碑  
**四達**高郵趙使君晦之所作齋東園戶

銘

古今合璧事類備要列集  
二

坡寶晉

一齋在無為軍米

英輔

一齋在安慶府太平寺東乃王禹玉讀

書之地公自舒發解至

無倦

一齋在靜江府治南軒云舊名緩帶予懼其肆也

更題曰

隱齋

一在東州郡治太守張杓建南軒張栻命名仍為作記蓋取孟子惻隱之義朱文

公有

緩齋

戶曹掌州帑或行獄訟市皇族公姑以一各一周一周必大為作箴

拙齋

在撫州郡治守

趙景明建朱文公作記又在南康

率齋

在象州守陳太和建孫尚書觀

朱文公書匾以濂溪拙賦而命名

記

舫齋

一真州郡治頗深廣

東齋

在潮州揭陽縣治丞相梁公克家嘗館於是梅花忽開梁

賦詩曰九鼎變調終有待百花羞滋

山齋

在利州范蜀

敢言芳後大魁天下不十年登宰相

山齋

公詩云衆山

四面合二水南北流蘇軾瀟瀟詩

隱求齋

在建之武夷取

云簡書日填委杖屨每幽獨

隱求齋

一居以一具志



之義朱文  
公有詩

觀善齋

在建崇安之武  
夷朱文公有詩

書院麗正書院

上置一一一聚文學之士秘書監徐  
堅太常博士會稽賀知章監察御史趙

冬曦等或脩書或侍講以張說為修書  
使以總之有司供給優厚通鑑玄宗紀

應天書院

應天  
府民

曹誠即同文舊居廣舍百五十楹聚書千餘

白鹿書院

卷以延學者具宗嘉之賜名曰一一府一一

唐李渤與兄涉俱隱於此山嘗養一白鹿因名之南唐

昇元中建學館以李道為洞主掌其教授長編云太平

二年知江州周述言廬山白鹿洞學徒嘗數千百

人乞賜九經使之肄習詔國子給本乃傳送之 鵝湖

書院

在鉅山縣西南十五里昔有龔氏居山傍蓄  
鵝成羣因名淳熙初年晦菴象山曾會於此

石鼓

書院

唐元和間衡州人李寬於一一創  
一一國初賜勅額有朱文公記

嶽麓書院

湘西  
故有

藏室背陵向壑木茂而泉潔為士子肄業之地始開寶中郡守朱洞首度基創宇以待四方學者李允則東為州請于朝乞以書藏方是時山長周式以行義著祥符八年召見便殿拜國子主簿使歸教授詔以一一一名增賜中秘書紹興辛亥更兵火灰燼乾道改元建安劉珙下車湘人合辭以書院請未半歲而屋成南軒記

城南書院

在潭州臨湘門街乃南軒先生講學之地題扁筆勢豪勁張紫微平生得意書也其間鑿

池以滙息澤之水本屬納氏故名納湖南軒有詩朱文公有跋

五峯書院

胡宏築在寧鄉縣之靈峯

清湘書院

林岳守全得柳侯仲塗讀書遺趾築室館士今守趙必愿增之魏了翁記

東湖書

院

在隆興府漕趙紫憲創于倭倖廳之舊基勝強起以逼近市廛請于朝遷之一一晏家山上

延平

書院

在水南陳宓建

建安書院

在州治之西守王玠建

涵江書院

在興化軍

書堂張九齡書堂

在南雄始興縣南山幽水秀花木長春几案庭戶皆石琢就

韓魏

公書堂

在黃州安國寺

范文正書堂

在澧州安鄉縣一一一幼孤從母歸朱氏來宰安鄉

與俱來讀書此地

胡文定書堂

胡公安國渡江而休于衡岳買地結廬名曰書堂十五年不出

精舍武夷精舍

朱文公築於五曲大隱屏之下韓元吉記文公有詩

滄洲精舍

朱文

公築于考亭以館四方之學者周益公題扁今為祠堂

歐陽修東齋記

官署之東有園以燕休或曰齋謂夫閑居平心以養思慮若於此而齋戒也故

曰齋河南主簿張應之居縣署亦理一作治小齋河南雖赤縣然征賦之民一作名戶纔七八千出利之入率無一鍾之畝人稀土不膏腴則少爭訟幸而歲不大凶亦無通租凡主簿之所職者甚簡少故未嘗憂吏責而

得優游以嬉應之又素病羸宜其有以閒居而平心者也應之雖病然力自為學常曰我之疾氣留而不行血滯而流逆故其病咳血然每體之不康則或取六經百氏若一作與古人述作之文章誦之愛其深博閱達雄一作奇富偉麗之說則必茫乎以思暢乎以平釋然不知一作覺疾之在體因多取古書文字貯齋中少休則探以覽焉夫世之善醫者必多蓄金石百草之物以毒其疾須其瞑眩而後瘳應之獨能安居是齋以養思慮又以聖人之道和平其心而忘厥疾真古之三字一作可謂藥善者歟傍有小地竹樹環之應之時時引客坐其間飲酒言笑終日一作終日言笑不倦而某嘗從應之於此因書于其壁三字一作于壁而記云馬子

才浩齋記

齊視棄天下如棄敝屣伊尹以不義祿之天下而不顧齊伊尹之輕天下如此哉古之人

所以成就大事當危疑之機顛覆之變處置甚暇而不亂唯輕天下者能之今夫操刀而斷壺執匕以飯糗者

皆是也至於屠龍鱗蛟刺虎之役則束手戰栗而不敢  
發者其氣懾也于越許苒翁於其所居之東開室讀書  
名之曰浩齋而求記於予予請以一齋之事言之則所  
謂浩然者可以立見而不惑今子之酒埽是室也異時  
之酒埽天下有異於此乎今子之整齋圖書拂拭几案  
卧琴於牀掛劍於壁冠佩在上屨杖在下異時之輔相  
天子措置公卿大夫百執之士下至於庶人微至於萬  
物有異於此乎子有役而呼童子小不如意則必叱而  
去之奔走顛倒唯子所指異時將百萬之衆大戰于陰  
山之墟朔野之北微吟而輕呼使熊羆豺虎之猛畢皆  
赴敵萬死而不顧亦有異於此乎子或志倦體疲神倦  
欠伸撫解露腹便然酣卧乎一榻之上異日之厥功名  
辭富貴歸休乎江湖之間泉石之畔高尚以養德醉吟  
而適真亦有異於此乎子之居是齋也試以此觀之則  
所謂浩然者豈不壯哉予嘗慮士氣卑弱不足與立子  
有志於此言則其自負必無敵於天下矣予之閱人亦

多矣為利僅耳喜津津出顏間而手足超超然搖動小  
不諧世則摧敗挫辱作兒女聲有可怜憔悴之色此何  
謂也予將求子以語同儕而論心尚有此態  
則可以相視一笑元祐丁卯五月朔日記  
晁無咎潛

齋記

潛室之廣九丈其高如之背陽而面陰遶溫而趨  
寒其室雙翼外蔭老木翳其前小竹叢其右朦朧

晦曖光景不曜蓋若蟄虫伏獸之所潛焉而潛之名所  
為得也客過予者曰方今主聖臣良政恬俗康朝有鴻  
鷺野無豺狼可謂有道之世矣吾子生二十長六尺出  
不能提桴鼓以動百萬之師左烏號之弓右昆吾之劍  
喑鳴叱叱北牧祁連西虜靈夏入不能陪黃閣之末議  
聯紫微之別班正容端色以齊肅百吏操紙握管以號  
令四海今反幽幽默默逃形迹跡以頑處心以潛名室  
豈非所謂倒行而逆施者耶予蹉然而驚憮然而笑曰  
有是哉主聖臣良此吾潛之所為甘乎分者也政恬俗  
康此潛之所為幸乎安者也朝有鴻鷺野無豺狼此吾

潛之所為有待乎亨者也而反以是疑吾頑其亦未之思耶請為客言潛易曰雷在地中復此天地之潛也而陽氣已動乎黃泉矣尺蠖之屈以求伸也龍蛇之蟄以存身也此虫獸之潛也而小者獲伸大者獲存矣故不能靜者不能動不能處者不能出然則奚行之倒而施之逆耶昔曰回憲潛於道故闇然而曰韋黃綺潛於聲故默然而寢揚潛乎潛將以為不

洪景盧怡齋記

馬子

館于宇下六百日宿廬直容齋不能十步語出口輒入予耳故寓客無敢不公言今日予方寫楚詞倦困枕肱卧聞遂良與客對始啞咤皆帖聒不可聽已則放聲棘談往復甚苦予躡履蔽隱候伺則遂良正東向捉篆筆自作怡齋字客人長鬚廣額秀眉其口偃坐其西詰所以曰自而之左親戚遠墳墓行游四方有年矣謹歲時歸休親父母再拜寒溫罷入室刺刺與妻子語勞苦平生百未一歇復別去上馬惘然無一分樂易色行年三十

七柱腹五千卷書未能合有司度程擬取一第耻耻棲棲不自聊賴顧方以怡自滿傲倪容膝之室得微太欺我歟敢問吾子所以怡者何事而謂齋者果安在哉遂良且笑且怒瞪對之曰子貌則士也夫何言之陋方吾家居入怡顏以事父母出怡色以與兄弟處暇時讀書以怡吾心食與口怡寢與體怡吾窮到骨矣而其怡常自若也旦若遊越則越為吾廬墓若遊燕則燕為吾廬在吾室為吾齋固也出而見子坐子之舍亦吾齋也孰賓孰主哉子何言之陋語未既予立聽不暇久疾出揖二子曰客則失矣而主人亦未為得也今人在貧賤而不失怡於布衣在富貴而萬鍾不能怡也亦幾矣雖然之二者於道由九牛一毛也尚何足論天地大蓬廬也曾不足以隘我尚何燕越之間歟閉口亟休勿復言之客舌舉不得下愀怍自失意若欲遁而足不可引予笑曰子亦多言耳子何為而去顧侍奴取酒引滿徑醉就睡有頃醒視之獨予遂良在客去矣

張南軒



拙齋記

時江曾節夫以拙名其齋而請予為之記予喟

而數曰士病於不拙也久矣文米之眩而聲名之求知術之溢而機巧之競爭先以相勝詭御以幸得而俗以益薄士病於不拙也久矣頃者始見吾子望乎容止退然若不安聽乎言辭訥訥然若不足意吾子之不馳騁於斯世也已而旋觀乎吾子之為則處已也介而接物也嚴又有以知吾子之能自守也今以拙名齋抑子之志如此而何以予之記為雖然子之求於予也幾乎言之可以輔仁也抑亦子之質之美乎亦有望焉請試為子言之也予聞之義理之本於天者至精而無窮氣稟之存乎人者雖美而有限伊欲究夫無窮而化其有限舍學何以哉雖然所謂進學之方則亦有道矣古之人於此蓋終身焉若升高之必自下若涉遠之必自過此其用力豈苟然而已哉予又病夫學者之不拙也旁窺而竊取耳受而口傳恃臆度而鑿空虛難之不圖而惟獲之計序之不循而惟至之必久之不務而惟速

之求若是而欲有諸躬也難矣予是以病夫學之不拙也稽諸洙泗之門子之家子與非百世師乎聖人始以魯稱之而其於是道終以魯得之所謂三省其身自反而縮與夫動容貌正顏色出辭氣皆其平日所為用力者也戰兢臨履至於啟手足之際而後以為知免一簣之不易尤不安其終其學之有始有卒幾於墮而全其天蓋如此謂於是道以魯得之非邪由予前所言士病於不拙者吾子既無是之患矣由予後所言病夫學者之不拙也吾子其率以是免之哉請無他求以子之家子與為標凖而從事焉其可已若夫安其所已能而倦其所未進則為拘於有限而息乎無窮

朱晦庵敬齋箴

正其衣冠尊其瞻視潛心以居對越上帝足容必重手容必恭擇地而蹈折旋蟻封出門如賓承事如祭戰戰兢兢罔敢或易守口如瓶防意如城洞洞屬屬罔敢或輕不西以東不南以北當事而承靡他其適弗貳以二

弗參以三惟精其一萬變是監從事於斯是曰持敬動  
靜弗違表裏交正須臾有間私欲萬端不火而熱不冰  
而寒毫釐有差天壤易處三綱既淪九法亦斁嗚呼小  
子念哉敬哉墨卿司戒敢告靈臺

### 歐陽脩畫

### 舫齋記

居而名曰畫舫齋廣一室其深七室以戶相通  
凡入于室者如入于舟中其溫室之與則穴其上以為  
明其虛室之疏以達則欄檻其兩傍以為坐立之倚凡  
偃休於吾齋者又如偃休乎舟中山石皆翠佳花莢木  
之植列於兩簷之外又似汎乎中流而左山右林之相  
映皆可愛者故因以舟名焉周易之象至於履險臨危  
必曰涉川蓋舟之為物所以濟險難而非安居之用也  
今予治齋于署以為燕安而反以舟名之豈不戾哉矧  
予又嘗以罪謫走江湖間自汴絕淮浮于大江至于巴  
峽轉而入于漢沔計其水行幾萬餘里其竊窮不幸而  
卒遭風波之險往往叫號神明以脫須臾之命者數矣

當其恐時顧視前後凡舟之人非為商賈則必仕宦因竊自歎以謂非冒利與不得已者誰肯至是哉賴天之惠全活其生今得除去宿負列官于朝以來是州飽康食而安署居追思曩時山川所歷舟楫之危蛟鼉之出沒波濤之洶故宜其寢驚而夢愕而乃忘其險阻猶以舟名其齋豈真樂於舟居者耶然予聞古之人有逃世遠去江湖之上終身而不肯反者其必有所樂也苟非冒利於險有罪而不得已使順風恬波傲於枕席之上一日而千里則舟之行豈不樂哉顧予誠有未暇而舫者宴嬉之舟也姑以名予齋奚曰不宜予友蔡君謨善大書顧惟偉將乞其大字以題于楹懼其疑予之所以名齋者故具以告又因以置于壁

張文潛進

學齋記

古之君子無須臾而不學故其為德無須臾而不進雖鳴而興暮夜而休一日之間出則涖官

治民事師友對賓客入則事其親撫其家教其幼賤振其族姻音因與夫誦說講辨上世聖賢之言語文章制

度服物而燕樂則御琴瑟布搏俎拜俯升降酬酢相侑  
勉勉汲汲無須臾之間不習其事學其理通其曲折而  
服其訓戒益頃刻而去其心非特其迹然也安居無事  
精思而深念矯揉其心志調服其血氣觀天地之道察  
萬物之理以究道德之微妙而道性命死生之始終者  
亦未始有頃刻之休是故其德日進而不可止蓋自其  
不息而察之則宜將日進也哉晝之所達過其旦夜之  
所得加於晡豈特旦暮晡夜之別哉一語一點一起居  
而新故不相襲矣自其為士而至聖人如日之運於天  
小之為旦夜中昃之變大之為寒暑春秋之異然微細  
而察之則雖求毫釐絲忽之間而不可得嗚呼士之欲  
進於道其勤苦勉強蓋必如是而後至則亦已勞矣若  
後世之士其不至於聖人也亦可知矣古之君子飲食  
游觀疾病死生之際未嘗不在於學士會食而問殷烝  
則飲食之際未嘗不在學也曾皙風乎舞雩詠而歸則  
游觀之際未嘗不學也曾子病而易大夫之簣則疾病

之際未嘗不學也今之所謂學者既剽盜其皮膚攘擷其土苴比於古之人大可愧矣然少而習之未幾見而自以為業成者十九也冠而仕則冠而棄之壯而仕則壯而棄之以其滅裂苟偷之習而亟捨於既仕之日故後世之君子大抵從仕數年則言語笑貌嗜慾玩習之際比之進取之初以儒自名者固已大異矣蓋古之君子其學也內以脩身外以治人所學愈高所治並修而成功愈崇是故君子立於世則天下被其福嗚呼三代之衰儒者之功不大見於世而生民之望於君子者未能厭滿其欲豈非士之學未至而道不立哉嗟乎民之休戚係於道學之成否則夫為士者可不勉歟元豐之乙丑余官於咸平治其所居之西即其舊而完之既潔以新矣於是悉取詩書古史陳於其中有誦習之牖有休偃之席暑則啟扉寒則塞向幽七月朝夕處乎其中取書而讀之其甚憊也則即席以休以深思其平日之所得無一日而不在是也余情者也故取古之道而名

之曰進學而書其說庶朝夕得以自  
警焉上吐雅反仄雅反德步拜反  
舒元與問國庠記

先王建太學法以國胄子欲政人歸義府也故設官區  
掌嚴大其事明公侯卿大夫必由是而出某既求善藝  
於闕下謂今之太學猶古之太學將欲觀焉自以為下  
士小儒未嘗觀夫子庠序欲往焉先三日齋沐而後行  
行及門乃脫蓋下車循牆而趨請於謁者曰吾欲觀禮  
於太學將每事問之於子可乎謁者許諾遂前導之初  
過於朱門門闔沉沉問曰此魯聖人之宮也跪拜之次  
至於西有高門門中有一履屋問之曰此論堂也予懼  
其鴻學方論不敢入導者曰此無人乃虛堂爾予惑之  
遂入見庭廣數畝盡墜為圃矣心益惑復問導者曰此  
老圃所宅子安得欺我耶導者曰此積年無講論故庭  
化為廢地久為官於此者圃之非圃所宅也循廊升堂  
堂中無机榻有苔草沒地予立其上悽慘滿眼大不稱  
嚮之意復為尊者引又至一門問之曰此國子館也入

其門其庭其堂如入論堂俄又歷至三館門問之廣文也太學也四門也入其門其庭其堂如國子其生徒去聖人之與如堂館之燕嗟乎詩書禮樂國之洪源濬其源天下可以允潤堂其源天下為之顛賴故唐堯知其如此亦先命廷臣典三禮教胄子誣敷文德於天下天下之屋皆可封及夏殷時其孟也則必濬之其季也則皆自室之自室之時天下之屋皆可誅至周室有文武周公勃興而作復唐虞之道行七八百年而付仲尼承之孜孜日夜席不敢煖祖述之憲章之於於鄒魯張於洙泗上摩躡三光下垂之無窮其徒有入室者升堂者及門者散滿天下雖丁周季而天下姦臣賊子猶解曰周孔之教不敢妄動以此則文之教豈可須臾弛耶至蕝政化之室其源源未絕而已自絕于天下矣漢初纔息干戈復濬其源而後生公孫弘倪寬卜式之徒並出維持戰爭之漢二百年間無所失墜皆周公仲尼之力也國家用干戈取天下其道正於漢氏然自冠生幽陵



軍旅之事始勝俎豆故太學之道不得不哀涼今皇帝  
傳大寶七祀生獻吳淦蜀禪於郊薄稟夏逆首殛路姦  
師拔魏世家比用兩階之舞可謂至矣今溟澥無波兵  
器可以蒙之虎皮矣乃大修周公仲尼之道之時也而  
太學猶且哀涼之若此豈非有司之不供職耶羣公卿  
士之不留意耶不然何使巍巍國庠寂寞無聞回也賜  
也說釋道義之聲雖館宇雲合鞠為荒園可謂太國虛  
設以自欺也愚甚不取且懼周公仲尼之道沒墜於衆  
遂記其所荒之

李泰伯袁州學記

詔州縣立學惟時守

大畧以喻有司  
今有哲有愚有屈力殫慮祇順德意有假官借私苟具  
文書或連數城亡誦弦聲倡而不和教泥不行三十有  
二年范陽祖君無擇知袁州始至進諸生知學宮闕狀  
大懼人材放失儒效濶疎無以稱上意旨通判潁川陳君  
伋聞而是之議以克合相舊夫子廟陞隘不足改為乃  
營治之東厥土燥剛厥位面陽厥材孔良瓦甃黝堊丹

漆舉以法故殿堂室房廡門各得其度生徒有舍庀康  
有次百兩器備並手偕作工善吏勤展夜展力越明年  
成舍菜且有日時江李親諭于衆曰緬維四代之學考  
諸經可見已泰以山西臺六國欲帝萬世劉氏一呼而  
關門不守武夫健將賈降恐後何耶詩書之道廢人唯  
見利而不聞義焉耳孝武乘豐富世祖出戎行皆孽孽  
學術俗化之厚延于靈獻草茅危言者折首而不悔功  
烈震主者聞命而釋兵羣雄相見不敢去臣位尚數十  
年教道之結人心如此今代遭聖神兩秉得賢君俾爾  
由庠序踐古人之迹天下治則譚禮樂以陶吾民一有  
不幸猶當仗大節為臣死忠為子死孝使人有所賴且  
有所法是惟朝家教學之意若其弄筆墨以微利達而已  
豈徒二三子之羞

呂伯恭白鹿書院記

淳熙六年南康  
軍秋雨不時高

仰之田告病郡守新安朱侯某行賦坡塘並廬山而東  
得白鹿書院廢趾慨然顧其僚曰是蓋唐李渤之隱居

而太宗皇帝驛遞九經俾生徒肄業之地也書院版於南唐其事至鮮我太宗於汎埽區宇日不暇給之際獎勵封植如恐弗及規模速矣我中興五十年釋老之官圯于寇戎者斧斤之聲相聞各復其初獨此地委於榛莽過者太息庸非吾徒之恥哉郡雖貧薄顧不能築室數楹上以宣布本朝崇建人文之大指下以續先賢之風聲於方來乎迺屬軍學教授楊君大法星子縣令王君仲謀董其事又以書命祖謙記其成祖謙竊嘗聞之諸公長者國初斯民新脫五季鋒鏑之厄學者尚寡海內向平文風日起儒先往往依山林即閑曠以講授大率多至數十百人嵩陽歡麓睢陽及是洞為尤著天下謂之四書院者也祖宗尊右儒術分之官書命之祿秩賜之扁榜所以寵綏之者甚備當是時士皆上質實下新奇敦行義而不偷守訓故而不鑿雖學問之淵源統紀或未深究然甘受和白受來既有進德之地矣廼歷嘉祐之間豪傑並出講治益精至于河南程氏橫渠張

欽定四庫全書

卷八

氏相與倡明正學然後三代孔孟之教始終條理於是乎可考建炎再造典刑文憲浸遠舊觀闕洛緒言稍出於毀棄剪滅之餘晚進小生驟聞其語不知親師取友以講求用力之實躋等凌節忽近慕遠未能闕程張之門庭而先有王氏高自賢聖之病如是洞之所傳習道之者咸解矣然則書院之復豈苟云哉此邦之士盍相與挹先儒淳固懋實之餘風服大學離經辨志之始教由博而約自下而高以揚熙陵開迪樂育之大德則於賢侯之勸學斯無負矣至於考方志紀人物亦有土者所當謹若李濬之遺迹固不得而略也侯於是故重民之勞賦功已狹率循其舊十七八力不足而意有餘興廢始末見當塗郭祥正所記者皆不書

張南

軒嶽麓書院記

洵西故有藏室背陵向壑木茂而泉潔為士子肄業之地始開寶中郡守朱洞

首度基創宇以待四方學者李允則來為州請于朝乞以書藏方是時山長周式以行義著祥符八年召見便

殿拜國子學主簿使歸教授詔以嶽麓書院名增賜中  
秘書紹興辛亥更兵革灰燼乾道改元建安劉侯珙下  
車既剔蠹吏姦民俗安靜湘人合辭以書院請侯鍊然  
曰是固章聖皇帝加惠一方以風厲天下者而可廢乎  
半歲而成某從多士往觀焉曰侯之為是舉也豈特使  
子羣居族談但為決科利祿計乎亦豈使子習為言語  
文辭之工而已乎蓋欲成就人才以傳道而濟斯民也  
其傳果何歟曰仁也仁人心也率性立命知天地而宰  
萬物者也孟子曰惻隱之心仁之端也於此焉求之則  
不差矣嘗試察吾事親從兄應物處事是端也苟能充  
而達之則仁之大體豈不可得乎及其至也與天地合  
德鬼神同用悠久無疆變化莫測而其則初不遠也是  
雖約居屏處庸何損得時行道事業滿天下而亦  
何如於我遂書斯言以厲同志以無忘侯之德

朱文

# 公石鼓書院記

衡州石鼓山據蒸湘之會江流環帶最  
為一郡佳處故有書院起唐元和間州

人李寬之所為也國初時嘗賜勅額其後乃復稍徙而東以為州學則書院之迹於此遂廢而不復修矣淳熙十二年部使者潘侯時德失始因舊址列屋數間榜以故額將以俟四方之士有志於學而不屑於課試之業者居之未竟而去今使者咸都宋侯若水子淵又因其故而益廣之別建重屋以奉先聖先師之像且摹國子監及本道諸州印書若干卷而俾郡縣擇遺修士以充入之蓋連帥林侯栗諸使者蘇侯岵官侯鑑衡守薛侯伯宣皆奉金齋割公田以佐其役踰年而後落其成焉於是宋侯以書來曰願記其實以詔後人且有以幸教其學者則所望也予惟前代庠序之教不修士病無所於學往往擇勝地立精舍以為羣居講習之所而為政者乃成就而褒表之若此山若嶽麓若白鹿洞之類是也逮至本朝慶厯熙寧之盛學校之官遂徧天下而前日處士之廬無所用則其舊迹之蕪廢亦其勢然也不有好古聞舊之賢孰能謹而存之哉抑今郡縣之學官

置博士弟子員皆未嘗考其德行道藝之素其所授受  
又皆世俗之書進取之業使人見利而不見義士之有  
志於為己者蓋羞言之是以嘗欲別求燕閒清曠之地  
以共講其所聞而不可得此二公所以慨然發憤於斯  
後而不敢憚其煩蓋非獨不忍其迹之蕪廢而已也故  
特為之記其本末以告來者使知二公之志所以然者  
無為今日學校科舉之意亂焉又以風曉在位使知今  
日學校科舉之害將有不可以是為適然而莫之救也  
若諸生之所以學而非若今人之所謂則昔者吾友張  
子敬夫所以記夫嶽麓者語之詳矣顧於下學之功有  
所未究是以誦其言者不知所以從事之方而無以臨  
其實然今亦何必他求為哉亦曰養其全於未發之前  
察其機於將發之際善則廣而充之惡則克  
而去之其亦如此而已矣又何俟於予言哉

# 山書院記

自周以上觀之賢人之達者皋陶傅說伊尹  
呂望召公畢公是也自周以下觀之賢人之

窮者孟子楊子文中子吏部韓愈是也然較其功業德行窮不必易達不必移三百年賸人之窮者又有泰山先生孟子楊子文中子吏部皆以其道授弟子既授弟子復傳之於書其書盛行其道大耀先生亦以其道授弟子既授之弟子亦將傳之於書將使其書盛行其道大耀乃於泰山之陽起學舍講堂聚先聖之書滿屋與羣弟子而居之當時游徙之貴者孟子則有梁惠王齊宣王滕文公之屬楊則有劉歆桓譚之屬文中子則有越公之屬吏部則裴晉公鄭相國張僕射之屬門人之高弟者孟則有萬章公孫丑樂克之徒楊則有侯葛劉棻之徒文中子則有董常程元薛收李靖杜如晦房魏之徒吏部則有李觀李翱李漢張籍皇甫湜之徒今先生游徙之貴者故王沂公蔡貳卿李泰州孔中丞今李丞相范京洛胡子京張安道士熙道祖擇之門人之高弟者石介劉牧姜潛張洄李溫足以相望於千百年之間矣孰謂先生窮乎大哉聖賢之道無屯泰孟子楊



子文中子吏部皆屯於無位與小官而孟子泰於七篇  
楊子泰於法言太玄文中子泰於續經中說吏部泰於  
原道論佛骨表十餘萬言先生嘗以謂盡孔子之心者  
大易盡孔子之用者春秋是二大經聖人之極筆也治  
世之大法也故作易說六十四篇春秋尊王發微十七  
卷疑四凶之不去十六相之不舉故作堯權防後世之  
篡奪諸侯之僭倂故作舜制辨注家之誤正世子之名  
故作正名解美出處之得明傳嗣之嫡故作四皓論先  
生述作上宗周孔下擬韓孟是亦為泰先生孰少之哉  
介樂先生之道大先生之為請以此說刊之石鏡于講  
堂之西辟康吏元

韓元吉武夷精舍記

武夷山在閩粵

年七月十八日記  
深盤礴自漢以見于祀事閩之諸山皆後出也其峯之  
最大者豐上而斂下巋然若巨人之戴弁綠隙磴道可  
望而不可登世傳避秦而仙者蛻骨在焉溪出其下絕  
巘高峻皆數十丈岸則巨石林立磊落奇秀好事者一

日不能盡則卧小舟杭溪而上號為九曲以左右顧視  
至其地或平衍景物環會必為之停舟曳杖倚徙而不  
忍去山故多王孫鳥則白鷗鷓鴣聞人聲或磔磔集崖  
上散漫飛走而無驚懼之態水流有深處可泳草木四  
時敷華道士即溪之窮僅為一廬以待遊者之食息往  
往酌酒未半已迫曛暮而不可留矣山距驛道纔一二  
里許逆旅遙望不俾僕夫馬足之勞幸而至老氏之宮  
宿焉明日始能裹飯命舟而溪之長復倍於驛道之遠  
促促而來遽遽而歸前後踵相屬也予舊家閩中兩官  
于建安蓋亦遽歸之一耳吾友朱元晦居于五天山在  
武夷精舍而近若其外園暇則遊焉與其門生弟子扶  
書而誦取古詩三百篇及楚人之詞哦而歌之得酒嘯  
詠留必數日蓋山中之樂悉為元晦之私也予每愧焉  
淳熙之十年元晦既辭使節於江東遂賦祠官之祿則  
又曰吾今營其地果盡有山中之樂矣蓋其遊益數而  
於其溪五折負大石屏規之以為精舍取道士之廬猶

半也誅鋤草茅僅得數畝面勢清幽奇木佳石拱揖映帶若陰相而遺我者使弟子具畚鍤集瓦竹相率成之元晦躬畫其處中以為堂旁以為齋高以為亭下以為室講書建業琴書酒賦莫不在是予聞之恍然如寐而覺醒而醒隱隱猶記其地之莢也且曰其為吾記之夫元晦儒者也方以學行其鄉善其徒非若畸人隱士遁藏山谷服氣茹芝以慕夫道家者流也然秦漢以來道之不明久矣吾夫子所謂志於道亦何事哉夫子聖人也其步與趨莫不有則至於登泰山之巔而誦言於舞雩之下未嘗不遊宵中蓋自有地而一時弟子鼓瑟鏗然春服既成之詠乃獨為聖人所予古之君子息焉者豈以是拘拘乎元晦既有以識之試以告夫來者相與酬酢於精舍之下俾或自得其視幔亭之風抑又何如也是歲八月潁川韓元吉記

# 詩集賦詩

已公茅屋下可以一新一枕簟入林僻茶瓜留客遲江蓮搖白羽大棘夢青絲空添許詢

輩難酬支遁詞

**朋酒**

才士得神秀書齋間爾為棟華晴

杜已上人茅齋

雨好絲服暮春宜一日歡會老

夫今始知杜和江陵宋大少府

**桂林**

出宰山水賒讀書

簾雨後同諸公及舍弟宴書齋

松一蕭條捐未

事邈追得初心哀猿醒俗耳清泉潔塵襟詩成有共賦

酒熟無孤斟青竹時默釣白雲日幽尋韓縣齋讀書

**林杪**

高齋坐

**八九**

**椽**

茅齋一杜

**數莖竹**

高樹蟬聲秋巷裏朱門冷靜似閑居

重裝墨畫一長著香薰一架書語笑待兒知禮數

吟哦野客任狂疎就中愛讀英雄傳欲立功勲恐不如

王建早春遇龍

**低扉礙軒轡**

耽靜非偽為木性實跡索

武李將軍書齋

一德謝接諾聚菊若墻陰秋窮未開萼所

食類病馬動影似移岳欲駐迫逃衰豈殊辭綆縛已見

飽時兩應豈疏與

**開門見雀羅**

世事終成夢生涯欲半

藥賈長江齋中

過白雲心已矣滄海意

如何梨杖全吾道榴花養太和春風騎馬醉江月釣魚  
歌散帙看蟲蠹————————————————————

文體莊生做方言楚俗訛屈平君莫弔腸斷  
洞庭波劉長卿同姜濬題裴式微餘王東齋簡齋真虛

名我窗三尺餘可以閱晦明北省雖巨麗無此風竹聲  
不著散花女而況便羗兄世間多岐路居士繩牀平

未知阮逸集幾展了平生欽重一屈鞋千載笑絕纓視  
陰自入戶知我喜新晴覓句方未了——————————

非簡鈴齋作面山誰榜——————————————  
齋賦成夜燭纔銷寸衛退朝曦未半竿

晁太史面隱去復何求晨窗林影開夜枕山泉響——  
山堂詩————————————————————

求齋相看俱努力負筇何方來今朝此同席日用無餘  
詩————————————————————

書院山下稻梁肥鵝湖——————————————  
桑柘影斜春社散家家扶得醉人歸

張翥  
叢間松栢姿  
積雨欣始霽清和在此時林葉既敷  
榮禽聲亦融怡鳴泉來不窮湖風起

淪漪西山捲餘雲逾覺秀色滋層層一綠一愛彼一  
一青青初不改似與幽人期坐久還起來堤邊足遠逸

遊魚倚我行野鶴向我飛敢忘昔賢志亦復詠而  
歸寄言山中友和我平生詩張南軒城南書院詩  
謀野

欣有獲

清冷寒澗水窈窕青山阿昔賢有幽尚春言此  
婆娑事往今幾時高軒絕來過學館空廢址鳴

弦息遺歌我來勸相餘杖策蹊練羅一一一一一披圖

知匪訛永懷當年盛辛辛袷珮多博約感明恩涵泳熙

泰和淒涼忽荒榛俯仰驚頽波發教連網紀喟然心匪

他伐木循陰岡結屋依陽坡一朝謝塵濁歸哉碩人過

朱文公尋白鹿洞故址愛其  
絕學何能忘  
昔人讀書地

幽邃議復興建感而有作  
町疇白鹿場

世道有升降茲焉更表章矧今中興年治具一以張  
歌獨不嗣山水無輝光荒榛適剪除聖謨已洋洋亦有

皇華使肯來登此堂問俗良慙惻懷贗  
增慨慷弦歌有遺韻  
千古最靈心

墓壚

生哀宗廟欽斯人  
涓流積至滄溟水  
拳石

崇成泰華岑易簡工夫終久矢  
支離事業竟浮沉  
欲知

自下升高處真偽先須  
三載更關心  
德義風流風所欽

辨古今陸象山驚湖詩  
別離  
風流風所欽

偶扶藜杖過寒谷又枉藍輿度  
遠岑  
舊學商量加粹密

新知培養轉深沉只愁說到無  
言處  
不信人間有古今

晦庵次  
精舍試用此道推  
昏旦變氣候山水含清暉  
清

前韻  
日尚早入舟陽已微林壑斂  
暝色  
雲霞收夕霏  
芰荷迭

映蔚蒲稗相因依披拂趨南  
徑  
愉悅偃東扉  
慮澹物自

輕意愜理無違寄言攝生客  
會當求勅賜  
歲月有環

謝靈運石壁精舍詩  
會當求勅賜  
周窮臘忽

受謝卷卷山水心幸此朱墨暇  
招呼到良友  
邂逅成風

駕深尋故轍跡喜見新結架  
永懷拾遺公  
藏器此待價

橫流詩書澤下及楊李霸炎神抵興運制作流大化石  
室萬卷藏綸言九天下規模未云遠荒第良可託自非  
賢邑宰誰復此精舍  
更與盡心期臨流抗風榭朱元晦遊白鹿洞  
神仙九

折溪

溪上有蒼石屏百仞聳雄觀巖露垠壖突兀倚

霄漢淺麓下榮迴深林久叢灌胡然閱千載遽此開一  
旦我乘星村船輟棹青苔岸榛莽喜誅鋤面勢窮考按  
居然一環堵妙處豈輪奐左右盡奇峯踰越極佳玩是  
時芳節闌紅線紛有爛好鳥時一鳴王孫遠相喚暫遊  
意已愜獨往身猶絳珍重舍瑟人重  
來作幽伴朱文公行視武夷精舍作  
琴書四十年

一幾作山中客一日茅舍成居  
然我泉石朱文公武夷精舍詩

古今合璧事類備要別集卷十八



欽定四庫全書

古今合璧事類脩要別集卷十九

宋 謝維新 撰

宮室門

亭臺

宮室舉要

按劉熙釋名亭者停也言道路所舍人之所停集也臺者持也言其築土堅高能自

勝持也古人之名物莫不各有義存焉况亭臺乎後人創此以為暇日遊宴登臨之所未必皆能求古人之意惟適其適焉而已

事類里亭

五十一短一長亭街亭  
洛陽二十街一十二  
城門一亭漢職典泗

上

漢高祖及壯試吏  
為一亭長本紀  
燕婁  
光武至薊會王子接起兵薊  
中以應王郎城內擾亂秀從

駕而出不敢入城邑舍食道傍至一  
亭時天寒烈獨異上豆粥後漢馮異傳  
柯亭  
蔡邕宿一

為橡邑盼曰良竹也取  
以為笛音聲獨絕白帖  
蘭亭  
永和九年歲在癸丑暮春

一脩楔事也此地有崇山峻嶺茂林脩  
竹又有清流湍急湍映帶左右王羲之記  
采霞  
天寶時詔

曲江昆明作一亭詔  
公卿得列舍堤上孔帖  
沈香  
唐玄宗一日坐一亭子

章召入而白已醉左右以水頰面  
稍解授筆成文婉麗精切唐白傳  
芙蓉  
一亭在永州

一故名柳宗元有詩  
柳文英公院五詠  
賞心  
唐楊州有一亭  
精思  
唐李

今不復見孔帖

所居安邑里第有一亭  
每計大事則處其中本傳勞勞  
五里古送別之所一名

臨滄觀李白一  
休休司空圖本居中條山王官谷有先

唐興節士丈人名亭曰一  
休休人因遂隱不出作亭觀素室悉圖

休而美具故量才一宜休揣分二宜休耄而贖三宜休

又少也墮長也率老也迂三者非濟時用則又宜休因

自目為耐辱居士其言詭激不常以免當時禍災云唐

本傳  
鈞臺夏啟有一陵蓋啟亭諸侯於此左昭四年靈臺

傳  
鈞臺南有一陵蓋啟亭諸侯於此左昭四年靈臺

之營之庶民攻之不日成之詩  
瑶臺商紂作一彈

外紀  
鹿臺紂造一為瓊室玉門其大三里高千尺  
新臺

紀  
鹿臺紂造一為瓊室玉門其大三里高千尺  
新臺

作一  
刺衛宣公也納役之妻  
觀臺春王正月辛亥朔日

作一  
子河上而要之詩  
觀臺南王公既視朔遂登

史記  
史記  
史記

史記  
史記  
史記

一以望而書注一臺上構築郎一臺于一注刺奢

屋可以遠觀者也左傳五年築郎且非王功之時左

莊三築薛一臺于一築泰一臺于一注東平范縣蛇出

十年注薛魯地築泰西北有泰亭並同上蛇出

丈十六年有蛇自泉宮出入于國如先君之數秋八月

卒未聲姜薨毀泉臺注魯公以為蛇妖所出而聲姜薨

故壞鳳集一蕭史與弄玉吹蕭於臺上感九層一臺三

之左鳳集一弄玉秦穆公女也白帖九層一臺三

年不成人力困敝出令敢諫者斬荀息進曰臣能累十

二慕子加九郟於上公曰危哉荀息曰不危公造臺三年

不成男不耕女不織亦甚五仞一之臺同上三休楚王

危矣公遂止事見說苑五仞一之臺同上三休楚王

以章華之臺登之一彈人晉靈公不君厚斂以彫牆從

一乃至其上白帖彈人晉靈公不君厚斂以彫牆從

宣二妨農宋皇國父為平公築臺一於一叔子罕請俟

牛農功之畢築者詎曰澤門之哲實與我役邑

中之黔實慰我心子罕聞之執朴扶其不勉者曰吾儕  
小人皆有闔廬以避燥溼寒暑今君為一臺而不速成  
何以為役君子謂子罕  
**章華**楚靈王為一臺與伍  
能分謗左襄十七年

先君莊王為匏居之臺高不過望國氛大不過容燕豆  
人不廢時務官不易朝常今君為此臺人罷財盡數年  
而成諸侯莫至若君謂此美楚其殆矣又曰先王之臺  
榭也榭不過講軍實臺不過望氛祥故榭度於大卒之  
居臺度於臨觀之高瘠磽之地於是乎為之四時之隙  
於是乎成之國語楚子成一一之臺願與諸侯落之左  
**姑蘇**吳王夫差破越越敗乃進西施請退軍歸越吳王  
許之吳王既得西施甚寵之為築一一臺高三百  
丈遊宴其上伍子胥諫曰臣恐一一  
臺不久為康鹿之遊吳王不聽  
**置千金**燕昭王一一  
延天下士謂之  
**計百金**漢文帝欲起露臺召匠一之直  
黃金臺白帖一一曰百金中人十家之產何

以臺為

望思臺

上憐太子無辜乃為歸來一之於湖通鑑

本贊

武帝紀

通靈臺

鉤弋夫人從至甘泉而卒尸香聞十餘里葬雲陽武帝思之起一於甘泉宮有

一青鳥集臺上往來至宣帝時乃不至王褒雲陽記

相如琴臺

在成都府華陽縣市橋西寰宇記在

浣花溪云海安寺南今為金花寺城南非其舊成都志

子陵釣臺

在嚴州嚴光披羊裘釣澤中今

釣臺見存多名賢留題

狀西白虎

曲陽侯王根作漸臺一一白帖

相風銅鳥

安

宮南有靈臺高十五仞上有遇風乃動郭延生述征記

鬪雞走狗

漢長樂宮有臺

望鵠眺蟾

未央宮有一臺並三輔黃圖

創文昌臺

李昭德武后營

神都昭德規一一標置華壯孔帖

築望仙臺

柳仲郢武宗延方士一一果諫諄切同上

蜚觀聯屬

長寧宮主廢永昌縣主馬其治為府以地  
野

服肅散

裴度治第東都集賢里作別墅其煥館涼  
懷古

莫測

杜甫少與李白齊名常從白及高適過汴  
屬酒為

別

李執敗歎曰人心去矣天亡我乎携妻  
島上凝霞  
唐

宗中日本國王子來朝云本國之東三萬里有集真島

一一有一一臺臺上有手譚池池中有玉恭子不由制

度自然黑白道旁獻雉  
唐明宗入汴莊宗與元行欽登

問其冢名曰愁臺賈至秋興亭記  
在陽而舒在陰而慘

因罷酒去五代史  
性之常也履險而慘

涉易而泰情之變也觀揖讓而退臨交戰而競目之感  
也聞韶獲而和聆鄭衛而靡耳之動也夫其舒則洽慘

則惓惓則止泰則通退則无咎競則有悔和則安樂靡  
則憂危性情耳目優劣若此故君子慎居處謹視聽焉  
今沔州刺史賈載吾家之良也理馮州未暮月而政和  
於訟堂之西因高構宇不出廡戶存雲霄矣却負大別  
之固俯視滄海之浸閱吳蜀樓舫之殷鑒荆衡蕞澤之  
大亦有音哉性得情適耳虛目開且處動則倦理倦莫  
若靜處靜則明惟明以理動窮則變變則通通則久今  
沔州靈府恬而神用爽政以是和觀其前戶後牖順開  
間之義簡也上棟下宇無雕琢之飾儉也簡近於智儉  
近於仁仁智居之何陋之有況乎當發生之晨則攢秀  
木於高砌見鶯其鳴矣處臺榭之月則納清風於洞戶  
見暑之徂矣在搖落之時則俯顓氣於軒檻見火之流  
矣直厭凝之節則棲同雲於局閣見雪之紛矣政成訟  
清體安心逸而詩人之興常在常時之興秋興最高因  
以命亭焉予自巴丘徵赴宣室歌鞞棠樹之側解帶  
竹林之下加其俛仰美其動息乃命進贍拙毫志之李



白勞勞亭詩

天下傷心處勞勞送客亭  
春風知別苦不道柳條青

李白姑熟亭序

通驛公館南有水亭焉四壁聳飛峻絕浦嶼盡有前攝  
今河東薛公棟而宇之今宰隴西李公明化開物成務  
又橫其梁而閣之畫鳴間琴夕酌清月蓋為接輿軒祖  
遠客之佳境也製置既久莫知何名司馬武公長材博  
古獨映方外因據胡牀岸憤嘯咏而謂前長史李公及  
諸公曰此亭跨姑熟之水可稱謂姑熟亭焉嘉名勝繁  
自我作也且夫曹官綬冕者大賢處之若遊青山臥白  
雲逍遙偃傲何適不可小才居之窮而自拘悄若桎梏  
則清風朗月河英岳秀皆為棄物安得稱焉所以司馬  
南隣當文章之旗鼓翰林客卿揮辭鋒以戰勝名教樂  
地無非得俊之場也  
千載一時言詩紀志  
李白西候亭頌  
惟十有四載皇帝  
以歲之驕陽秋五  
不稔乃慎擇明牧恤南方凋枯伊四月孟夏自淮陰遷  
我天水趙公作藩于宛陵祇明命也惟公代秉天憲作

欽定四庫全書

卷十九

程南臺洪柯大本平生懿德宜乎哉橫風霜之秀氣鬱  
玉霸之奇略初以鐵冠白筆佐我燕京威雄振肅虜不  
敢視而後鳴琴二邦天下取則起草三省朝端有聲天  
子識面宰衡動聽殷南山之雷剖赤縣之劇強項不屈  
三州所居大化成列碑頌至於是一邦也酌古以訓俗宣  
風以布和平心理人兵鎮唯靜畫一千里時無莠言退  
公之暇清眺原隰以此郡東壑巨海西襟長江咽三道  
扼五嶺輜軒錯出無旬時而息焉出自西郭蒼然古道  
道寡列樹行無清陰至有疾雷破山狂飈震壑炎景爍  
野秋霖灌途馬過惻於谷口人間章於山頂亭候靡設  
達迎闕如自唐有天下作牧百數因循齷齪周恢永圖  
及公來思大革前弊實相此土陟降觀之壯其迴崗龍  
盤沓嶺波起勝勢交至可以有作方農之隙廓如是營  
遂鑿崖堙卑駢石剪棘削污壤堦高隅以門以牆乃棟  
乃宇儉則不陋麗而不奢森沈閑闔燥溼有庇若鳧之  
勇如鴈斯騫紫流鏡轉涵映池底納遠海之餘清瀉蓮

峯之積翠信一方雄勝之郊五馬踟躕之地也長史齊  
公光艾人倫之儀表司馬武公幼成衣冠之髦彥錄事  
參軍吳鎮宣城令崔欽令德之後良材間生縱風教之  
樂地出人倫之高格卓絕映古清明存躬僉謀傳功不  
日而就提是役也伊二公之力歟過客沈吟以稱嘆邦  
人聚舞以相賀僉曰我趙公之亭也羣寮獻議請因謠  
頌以名之則必與謝公此亭同不朽矣白以為謝公德  
不及後世亭不留要衝無勿拜之言鮮登高之賦方之  
今日我則過矣敢謁耆老而作頌曰耽耽高亭趙公  
所營如鼇背突兀於太清如鵬翼開張而欲行趙公之  
宇千載有覩必恭必敬爰遊爰處瞻而思之罔敢大語  
趙公來翔有禮有章煌煌鏘鏘如丈翁之堂清風洋洋  
永世**韓愈燕喜亭記**太原王弘中在連州與學佛人景  
不忘**韓愈燕喜亭記**常元慧游異日從二人者行於其  
居之後丘荒之間上高而望得異處焉新茅而嘉樹列  
發石而清泉激聲囊壤煗揣翳却立而視之出者突然

成丘陷者呀然成谷窪者為池而缺者為洞若有鬼神異物陰來相之自是弘中與二人者晨往而夕忘歸焉乃立屋以避風雨寒暑既成愈請名之其丘曰竦德之丘蔽於古而顯於今有竦之道也其石谷曰謙受之谷瀑曰振驚之瀑谷言德瀑言容也其土谷曰黃金之谷瀑曰狹狹之瀑谷言容瀑言德也洞曰寒居之洞志其入時也池曰君子之池虛以鍾其美盈以出其惡也泉之源曰天澤之泉出高而施下也合而名之以屋曰燕喜之亭取詩所謂魯侯燕喜者頌也於是州民之老聞而相與觀焉曰吾州之山水名天下然而無與燕喜者比經營於其側者相接也而莫直其地凡天作而地藏之以遺其人乎弘中自吏部郎貶秩而來次其道途所經自藍田入商洛涉浙湍臨漢水升峴首以望方城出荆門下岷江過洞庭上湘水行衡山之下繇榔榆嶺緩欽所家魚龍所宮極幽遐瑰詭之觀宜其於山水飮聞而厭見也今其意乃若不足傳曰智者樂水仁者樂山

弘中之德與其所好可謂協矣智以謀之仁以居之柳  
吾知其去是而羽儀於天朝也不遠矣遂刻石以記

# 宗元茅亭記

阻以面勢無薄檻節稅之華不斲稼不剪

茨不列牆以白雲為藩籬碧山為屏風昭其儉也是山  
岑然起於蒼莽之中馳奔雲蟲亘數十百里尾端荒陬  
首注大溪諸山來朝勢若星拱蒼翠詭狀綺綰繡錯蓋  
天鍾秀於是 unlimited 於遐裔也然以壤接荒服俗參夷徵  
周王之馬跡不至謝公之屐齒不及巖徑蕭條登探者  
以為曠歲在辛卯我仲兄以方牧之命試于是邦夫其  
德及故信乎信乎故人和人和故政多暇由是嘗徘徊  
此山以寄勝槩迺塹迺塗作我攸宇於是不崇朝而木  
工告成每風止雨收煙霞澄鮮輒角巾鹿裘率昆弟友  
生冠者五六人步山極而登焉於是手揮絲桐目送還  
雲西山爽氣在我襟袖以極萬類攬不盈掌夫美不自  
美因人而彰蘭亭也不遭右軍則清湍修竹蕪沒於空

山矣是亭也僻介閩嶺佳境罕到不書所作使盛跡鬱埋是貽林澗之媿故志之柳宗元東亭

記出州南譙門左行二十六步有棄地在道南南值江

西際垂楊傳置東曰東館其內草木猥與有崖谷傾

亞缺地豕得以為園地得以為藪人莫能居至是始命

披荆蜀疏樹以竹箭松檉桂檜柏杉易為堂亭峭為紅

梁下上徊翔前出兩翼馮空拒江江化為湖衆山橫環

崿閣潏灣當色居之劇而忘乎人間斯亦奇矣乃取館

之北宇右闢之以為夕室取傳置之東宇左闢之以為

朝室又北闢之以為陰室作屋於北墉下以為陽室作

斯亭於中以為中室朝室以夕居之夕室以朝居之中

室日中而居之陰室以違溫風焉陽室以違淒風焉若

無寒暑也則朝夕復其號既成作石于中室書以告

後之人庶勿壞元和十二年九月某日柳宗元記歐

陽脩豐樂亭記

脩既治滁之明年夏始飲滁水而甘問諸滁人得於州南百步之近其上則豐

山聳然而特立下則幽谷窈然而深藏中有清泉滂然  
而仰出俯仰左右顧而樂之於是疏泉鑿石闢地以為  
亭而與滁人往遊其間滁於五代干戈之際用武之地  
也昔太祖皇帝嘗以舟師破李景兵十五萬於清流山  
下生擒其將皇甫暉姚鳳於滁東門之外遂以平滁修  
常考其山川按其闕記升高以望清流之關欲求暉鳳  
就擒之所而故老皆無在者蓋天下之平久矣自唐失  
其政海內分裂豪傑並起而爭所在為敵國何可勝數  
及宋受命聖人出而四海一向之憑恃險阻剗削消磨  
百年之間漠然徒見山高而水清欲問其事則遺老盡  
矣今滁介於江淮之間舟車商賈四方賓客之所不至  
民生不見外事而安於畎畝衣食以樂生送死而孰知  
上之功德休養生息涵煦百年之深也脩之來此樂其  
地僻而事簡又愛其俗之安閒既得斯泉於山谷之間  
乃日與滁人仰而望山俯而聽泉掇幽芳而蔭喬木風  
霜冰雪刻露清秀四時之景無不可愛又幸其民樂其

歲物之豐成而喜與予遊也因為本其山川道其風俗之美使民知所以安其業年之樂者幸生無事之時也夫宣上恩德以與民共樂刺

歐陽脩醉翁亭記

環滁皆

史之事也遂書以名其亭西南諸峰林壑尤美望之蔚然而深秀者琅琊也山行六七里漸聞水聲潺潺而洩出于兩峯之間者酿泉也峯回路轉有亭翼然臨于泉上者醉翁亭也作亭者誰山之僧曰智仙也名之者誰太守自謂也太守與客來飲于此飲少輒醉而年又最高故自號曰醉翁也醉翁之意不在酒在乎山水之間也山水之樂得之心而寓之酒也若夫日出而林霏開雲歸而巖穴暝晦明變化者山間之朝暮也野芳發而幽香佳木秀而繁陰風霜高潔水落而石出者山間之四時也朝而往暮而歸四時之景不同而樂亦無窮也至于負者歌于塗行者休于樹前者呼後者應偃偻提携往來而不絕者滁人也臨谿而漁谿深而魚肥釀泉為酒泉香而酒冽山殷



野荻雜然而前陳者太守宴也宴酣之樂非絲非竹射  
者中弈者勝觥籌交錯起坐而諠譁者衆賓歡也蒼顏  
白髮頽乎其間者太守醉也已而夕陽在山人影散亂  
太守歸而賓客從也樹林陰翳鳴聲上下遊人去而禽  
鳥樂也然而禽鳥知山林之樂而不知人之樂人知從  
太守遊而樂而不知太守之樂其樂也醉能同其樂醒  
能述其大者太守也太守謂誰廬陵歐陽脩也

**曾子固醒心亭記**  
滁州之西南  
陽公作亭曰豐樂自為記以見其名之意既又直豐樂  
之東築亭曰醒心而望以見夫群山之相環雲煙之相  
滋曠野之無窮草木衆而泉石嘉使目新乎其所謂耳  
新乎其所謂聞則其心洒然而醒更欲久而忘歸也故即  
其所以然而為名取韓子退之北湖之詩云噫其可謂  
善取樂於山泉之間而名之以見其實又善者已雖然  
公之樂吾能言之吾君優游而無為於上吾民給足而  
無憾於下天下之學者皆為村且良夷狄鳥獸草木之

生者皆得其宜公樂也一山之隅一泉之旁豈公樂哉  
乃公之所以寄意於此也若公之賢韓子歿數百年而  
始有之今同遊之賓客尚未知公之難遇也後百千年  
有慕公之為人而覽公之迹思欲見之有不可及之嘆  
然後知公之難遇也則凡同游於此者其可不喜且幸  
歟而筆也又得以文辭託名於公文丈之次其又不喜且  
幸

程伯淳顏樂亭銘

天之生民是為物則非學非師孰  
覺孰識聖賢之分古難其明有孔

之遇有顏之生聖以道化賢以學行萬世心目破昏為  
醒周爰闕里惟顏獨止卷汚於榛井埋而地鄉閭蚩蚩  
弗視弗履有卓其誰師門之嗣追古念今有惻其心良  
賈善諭發帑出金卷治以闕井濞而深清泉澤物佳木  
成陰載基載落亭曰顏樂昔人有心予忖予度千載之  
上顏惟孔學百世之下顏居孔作盛德彌光風流日長  
道之無疆古今所常水不思廢  
地不忍荒嗚呼正學其何可忘  
楊廷秀山月亭記  
予昨

出山間入州府友人王信臣送予於中路約予過其家  
觀所謂山月亭者日已時未還也詰朝風興出永豐門  
西走九曲謁親舊皆寂寂門未啟則反而南謁信臣門  
啟矣予入坐賓階有傾信臣攬衣狎狎而出是時風雨  
昏昏萍渚泛濫予語信臣曰今日遠有遺恨鄉也山月  
亭不遠五十里見我於圖畫之中今也尺有咫乃隔我  
於風雨之外信臣曰先生母恨則前行導予徑其家繞  
出屋後折而左度修無陟穹嶽有亭若在天半掀然孤  
嶢者山月也予且喜且喟曰尚有遺恨已識王仲祖未  
見杜弘治所謂雲端臺者焉在信臣指前簷三十許武  
石欄屹起階齒層出者曰此是已雨小霽欣然登焉直  
下百尺壁立如削闌闌數萬家如在井底下視膽悸退  
矚神曠乃知此亭而勢宅一城高絕之地無可與侔其  
前峭秀而遽蔚者青原也其左突出而翼戴者東山也  
其右首下而尻高者拜相山也其下橫厲而皎空者白  
鷺江水也周覽未至驚風歔起林木叫呼大波怒跳翻

倒城市前山皆動諸峯相角清寒入骨不可復立亟歸  
亭上予盞喜且喟曰尚有遺恨今夕無月紹熙四年月

日誠齋野  
客楊某記

# 曾子固擬峴臺記

尚書司門員外郎晉國裴  
君治撫之二年因城之東

隅作臺以遊而命之曰擬峴臺謂其山谿之形擬乎峴  
山也數與其屬與州之寄客者遊而間獨求記於予初  
州之東其城因大丘其隍因大谿其隅因客土以出谿  
上其外連山高陵野林荒墟遠近高下壯大閭廓怪奇  
可喜之觀環撫之東南者可坐而見也然而雨隰潦毀  
蓋藏棄委於榛藂弗草之間未有即而愛之者也君得  
之而喜增甃與土易其破缺去榛與草發其亢爽繚以  
橫檻覆以高甍因而為臺以脫埃氛絕煩囂出雲氣而  
臨大風然後谿之平沙漫流微風遠響與夫浪波洶湧  
破山拔木之奔放至於高梳勁觴沙禽水獸下上而浮  
沈者皆出乎履舄之下山之蒼顏秀壁巔崖拔出挾光  
景而薄星辰至於平岡長陸虎豹踞而龍蛇走與夫荒

蹊聚落樹陰晦曖遊人行旅隱見而繼續者皆出乎衽  
席之內若夫雲煙開歛日光出沒四時朝暮雨暘明晦  
變化之不同則雖覽之不厭而雖有智者亦不能窮其  
狀也或飲者淋漓歌者激烈或覲觀微步旁皇徙倚則  
得於耳目與得之於心者雖所寓之樂有殊而亦各適  
其適也撫非通道故貴人富賈之遊不至多良田故水  
旱螟螣之藹少其民樂於耕桑以自足故牛馬之牧於  
山谷者不收五穀之積於郊野者不垣而晏然不知抱  
鼓之驚發召之役也君既因其土俗而治以簡靜故得  
以休其暇日而寓其樂於此州人士女樂其安且治而  
又得遊觀之美亦將同其**呂祖謙撰釣臺記**田東陽江  
樂也故予為之記其成也定郡五十里得嚴陵瀨蓋東漢嚴先生遊世不屈耕釣  
於富春山後人因以名其瀨也孫吳折富春為桐廬是  
瀨亦來屬焉顧野王輿地志曰桐廬縣南有嚴子陵漁  
釣處石上平可坐十人名為釣壇即今紀之釣臺也獨

兩臺對峙野王所不紀蓋亦猶言之耳明道二年范文正公自右司諫守是邦始築屋祠先生而為之記瀨之旁白雲源乃唐詩人方處士故廬丈正公之遊釣臺也嘗絕江訪其遺跡以其象寔祠之左丈正公沒郡人思之遵脩食於右生焉歲祀浸遠此意弗嗣淳熙五年侍郎蕭公出鎮道祠下慨然曰國家稽用唐武德舊典姓是州為嚴則先生之祠乃名教之首顧祀若是可乎顧急於民瘼未暇也居二年政成化洽以餘錢新之時抱病廢臥旁郡公以書見諉記其成固辭不可乃復於公曰方王氏移國以光武之大志先生之高氣相與共學夫豈區區呻吟咄嗟之末哉漢官威儀既復薄海內外臣子之責皆塞矣亦何必奮臂其間哉沒身丘壑固先生之素尚也帝聽焉有懷俾以形旁求於天下得非在廷諸臣奉令承教之不給未有當帝意者耶三聘而至車駕即日幸其館勉其相助為理所以處先生不薄矣匪徒屈萬乘之重為故人之光寵也先生雖以巢由自

命視一世若不足以洩之觀與侯霸尺牘劇切之意見  
於言外豈於帝懷未忘邪浩然而歸使人主有終  
身瞻望不及之嘆施及後世賓友耆俊遂為家法士之  
間風興起者堅節正操見危授命項背相望其有益人  
之國與朝夕獻納雲臺之下者未知其孰多孰少也技  
必類本響必報聲使先生微有名於傲世立名一再傳  
之後且將為西晉之清虛矣而東京之俗久而益勵名  
檢之外綜理幹畧亦往往高出後世沂其沅而尋其源  
則建武之高節孰可訾邪至於節義之弊變為亢激特  
上無建用皇極之君均調消息之爾非造端者之過也  
後先生千年文正公來主斯地祀典始舉曠百世而相  
感者固自不常過耶今公作牧復大葺祠宇以續前人  
之緒繼自今以往沂江下上者款門而心開升堂而容  
肅披清風濯寒泉哦山高水長之詩政足樂也則公豈  
專為一邦勸哉祠之前則羊裘軒其東則客星閣招隱  
堂岸立表以識路繚山作亭以待憩或革或因面勢位

置各有思致皆受成於公以非大指所  
存故不詳列主其役者司戶參軍吳桂  
**蘇子瞻九成臺**

**銘** 自泰并天下滅禮樂韶之不作蓋千三百二十有三

年其器存其人亡則韶既已隱矣而況於人器兩亡  
而不傳雖然韶則亡矣而有不亡者存蓋常與日月寒  
暑晦冥風雨並行乎天地之間世無南郭子綦則耳未  
嘗聞地籟也而況得聞天籟使耳聞天籟則凡有形有  
聲者皆吾羽旄干戚莞磬匏絃嘗試與子登夫韶石之  
上巒峯之下望蒼梧之渺莽九嶷之聯縣覽觀山川之  
吞吐草木之俯仰鳥獸之鳴號衆竅之呼吸往來唱和  
非有度數而均節自**蘇子瞻凌虛臺記** 臺因南山之下  
成者非韶之大全乎**蘇子瞻凌虛臺記** 宜若起居飲食  
與山接也四方之山莫高於終南而都邑之最麗者莫  
近於扶風以至近求最高其勢必得而太守之居未嘗  
知有山焉雖非事之所以損益而物理有不當然者此  
凌虛之所為築也方其未築也太守陳公杖履逍遙於



其下見山之出於林木之上者累累如人之旅行於牆外而見其髻也曰是必有異使工鑿其前為方池以其上蔭臺出於屋之簷而止然後人之至於其上者恍然不如臺之高而以為山之踴躍奮迅而出也公曰是宜名凌虛以告其從事蘇軾而求為之記軾復於公曰物之廢興成毀不可得而知也昔者荒草野田霸露之所家翳狐虺之所窺伏方是時豈知有凌虛臺耶廢興成毀相尋於無窮則臺之復為荒草野田皆不可知也嘗試與公登臺而望其東則秦穆公之祈年索泉也其南則漢武之長楊五柞而其北則隋之仁壽唐之九成計其一時之盛宏傑詭麗堅固而不可動者豈特百倍於臺而已哉然而數世之後欲求其彷彿而破瓦頽垣無復存者既已化為禾黍荆棘丘墟隴畝矣而況於此臺歟夫臺猶不足恃而況於人事之得喪忽往而忽來者歟而或者欲以誇世而自足則過矣蓋世有足恃者而不在乎臺之存亡也既已言於公退而為之記陳希

亮字公弼天資剛正人也嘉祐中知鳳翔府事東坡初  
擢制科金書判官事吏呼蘇賢良公弼怒曰府判官何  
賢良也杖其吏不顧或謁入不得見又為中元節不過  
廳罰銅八斤東坡作府齋懸禱祈請小文公弼必塗改  
至為公作凌虛臺記末云人事得喪數語公弼覽之笑  
曰吾視蘇明允猶子也某猶孫子也平日故不以辭色  
假之者以其年少暴得大名懼夫滿而不勝也  
乃不吾樂耶不易一字亟命刻之石間見後

詩集尋花到

元戎小隊出郊坰問  
柳一小小野亭杜

接葉製

亭杜高柳芽到

芰荷

亭深杜

帶簾葭

亭古杜

入翠微

華亭杜

俯朱檻

亭新

芙蓉柳芙蓉亭

野望時

坦腹江亭暖長吟

人知處

自有一那

無步往蹠莫教安四壁  
面面看芙蓉韓渚亭

臨池好

驛亭杜

戀月留

虛亭韓

隨高下

臺	亭	一	一	一
豁	當	清	川	柱

敬

迫差我

臺亭林表  
一一 賈島

倚檻看

郭江

帶林  
初彫柳

津亭

水風蒲葉戰沙雨驚絲寒晚木

盡

初  
周  
柳

秋叢欲敗蘭。哀猿自相叫。鄉淚好無端。盧拱

日坐

東亭——誰伴寂寥身  
綠樹為佳客  
紅蕉當美人  
笑言雖不接  
情狀似相親  
若不悠悠想  
如何度

晚春白  
居易詩

黃鶯久住

好是春風  
湖上亭柳  
頻驚夢繫  
離情  
渾相識欲別頻啼四五聲

居  
易  
詩

朱門深鎖

林塘誰是主  
主人來少客  
來多白居易

# 折波分瀬

激水自山椒 一 一 一 淺 一 迴環疑古篆 詰曲  
如縈帶寧想羽觴遲 唯貪親友會 欲知中聖

處皎月臨松蓋

涼月照窓

舉目縱然非我有思量似在  
故山時鵲盤遠勢投孤嶼蟬

李德裕流孟亭

故山時鷓鴣盤遠勢投孤嶼蟬

曳殘聲過別枝——歌枕倦澄泉遠石泛  
新簟添  
腸遲青雲未得平行去夢到江頭身在茲方干

欽定四庫全書

古今合璧事類備要別集

十

新篁添

夏影

子美寄我滄浪吟  
邈我共作滄浪篇  
滄浪有景不

阜相

環

抽

笋

老

耕

亂

發

爭

春

妍

暇事

高

格

山

鳥

日

夕

相

啾

喧

不知

木皆

蒼

煙

堪

嗟

人

迹

到

不

遠

雖

怪誰

似

子

搜

索

幽

隱

探

神

仙

初

境無

窮

邊

風

高

月

白

最

宜

夜

一

辨水

與

月

但

見

空

碧

涵

漪

漣

清

膏四

萬

錢

又

疑

此

境

天

乞

與

壯

亦有

獨

往

江

湖

波

濤

渺

翻

天

崎

試蛟

龍

淵

豈

如

扁

舟

任

飄

瓦

紅

在豈

長

棄

新

詩

美

酒

聊

窮

年

雖

句人

間

傳

歐

陽

永叔

滄

浪

亭

詩

意

已

潛

銷

最

憐

滿壁

煌

煌

玉

電搖

劉

彥

冲

臺

指

中

天

層

臺

面

層

坡

高

臺

杜

引

細

引

細

細

細

風

春臺  
社

惟種竹

古淡亭臺  
古詩

先得月

近水樓臺  
古詩

鳳

凰遊

鳳凰臺上  
去臺荒江自流李白

禾黍繁

臺欣

白登金陵冶城李

白鳥

飛

瘦藤挂破風煙上乞與遊人眼豁開不知眼界  
關多少  
尺青天回山谷題大雲寺觀臺

爽鳩

樂

寂與番君後光華帝子來千年餘故國萬事只空臺  
日月東西見湖山表裏開從知  
莫作雍門哀

朱元晦登  
定王臺

亭陸  
陸  
陸

古今合璧事類脩要別集卷十九

欽定四庫全書

子部

古今合璧事類備要別集卷

二十七

詳校官監察御史臣查善長

主事臣祁韻士覆勘

總校官知縣臣楊懋珩

校對官主事臣陳墉

謄錄監生臣王志遠

欽定四庫全書

古今合璧事類備要別集卷二十

宋 謝維新 撰

花園門

花園

宮室舉要

苑有垣曰園天子百里公侯八十里伯七  
十里子男五十里此尊卑大小殊也然古

者之創花園也必於東方蓋東方乃物所生之地所  
以養萬物不特養物亦未嘗不與民同也故芻蕘者  
雖虎者皆所不禁至後世窮奢而極欲快要眇之望  
縱逸游之樂惟知為己之奉豈誠在東之義民有冒



禁而入刑，僇輒如馬，是其於郊關之內，有機有穿，而視蠹爾之氓，曾草木鳥獸之不如，嗚呼！古之為苑，固也民惟恐其不小，君子亦安得不太息於斯。

事類在東

苑，園所以東方者，謂養萬物，東方物所生也。白虎通。

有垣

苑，一曰園，說文。

植木築土

一為苑，一為園，說文。

遭藪值林

一為園，一為苑，注言林藪非一所在。

皆為苑，園左太冲吳都賦。

苑禁山

雍氏，一為苑，禽獸自得，其性禮。

因野

一原，一以作苑，班固東都賦。

蘊薪蒸

苑，一也，言一所，積也，風俗通。

獵禽獸

天子秋冬射，苑中取，一漢舊儀注。

三六所

太僕

牧師諸苑，一一分布北邊西邊，以郎為苑，監官奴婢三萬人養馬三十萬匹，養鳥獸者，通名為苑，故謂牧馬。

處為苑 **三百里** 漢上林苑即秦之舊也武帝建元三年開東南至藍田宜春鼎湖御宿昆吾旁

漢儀注 南山而西至長楊五柞北繞黃山瀕渭水而東周 **長洲**

表 一一離宮七十所皆容千乘萬騎三輔黃圖 **苑** 修治上林園守禽獸不如一一之注服曰吳苑孟曰以江水洲為苑也韋昭曰一一在吳東前枝乘說

吳王 **甘泉苑** 一一武帝置緣山谷行至雲陽三百八十一里西入扶風凡周回五百四十里苑

中起宮殿臺閣百餘所有仙人觀石闕觀封 **立思賢** 孝

帝為太子一一苑以招賓客 **獵廣成** 後漢靈帝光和五年校一一

苑後 **游兔園** 歲將暮時既昏寒風積愁雲繁梁王不悅一一注兔園苑名謝惠連雪賦 **張**

**圍獵** 霍雲當朝請數稱病私出多 **數軍實** 林之一一乎桂從賓客一一黃山苑漢書

次定四庫全書 古今合璧事類備要別集 **苑** 注吳

有桂枝苑在建鄴東北里  
左太冲吳都賦并劉涓注

鴻德靈昆

後漢威帝延熹元年置一苑漢記

入後漢有十一畢土一一  
廣成諸苑徐堅初學記

鹿子平樂

晉有十一一一一桑梓諸苑徐堅初學

記戲九尾狐

苑一一一之一一注元命包云天命文王以九尾禽爲狐也張景陽十命

獲三

白鼠

後魏永興三年於北苑白鼠剖之腹中一子盡一

至尊屠肉

齊東昏以閔武堂爲芳樂

苑窮奇極麗苑中立店肆潘妃爲市令自爲市吏錄事將闕者就妃罰之百姓歌曰閔武堂種楊柳一一一潘

妃酤酒

夫人市寵

隋煬帝大業元年五月築西苑周三百里其內爲海周十餘里爲方丈蓬萊瀛洲諸山高出水百餘尺臺觀宮殿羅絡山上向背如神

海北有龍鱗渠縈紆注海內緣渠十六院門皆臨渠每院以四品夫人主之堂殿樓觀窮極華麗宮樹秋冬彫落則剪綵爲花葉綴於枝條色渝則易以新者常如陽

春沼內亦剪綵為荷芰菱芡桑輿遊幸則去水而布之  
十六院競以般羞精麗相高求一思一上好以月夜從

宮女數千騎遊西苑作清  
夜遊曲於馬上奏之隋紀

**囿域禽**

囿者桑墻為界域故  
云一獸詩靈臺疏

**禁獸**

囿人掌囿游之獸  
一收百一禮地官麟

**臻**

二帝三王沼池苑囿林麓數澤財足以奉郊廟御賓  
客充庖廚而已不奪百姓膏腴較土桑柘之地故一

一其囿前  
楊雄傳

**鹿伏**

王在靈囿應一攸一應鹿  
濯濯白鳥鶴鵲詩靈臺

**原圃**

鄭有  
一左倍

**三十具囿**

秦有一  
同上

**築鹿**

成公十八年秋一  
囿書不時也左

**射鴻**

衛獻公  
一於

**囿左取為圃**

惠王即位一國之一以為  
囿注囿園苑也左莊十九

**蕩公舟**

齊侯  
與蔡

姬乘舟於囿一注蕩搖也  
囿苑也蓋漁池在苑中左倍三

**棄田以園**

堯舜既沒聖  
人之道衰暴

君代作壞公室以為汚池民無所安息  
使民不得衣食邪說暴行又作園囿汚池  
沛澤多而禽

之應應之以異今陛下累即臺恐其不高也弋獵之處  
恐其不廣也如天不為變則三輔之地盡可以為苑何  
必盤匡郭杜乎奢侈越制天為之變上林雖小臣尚以  
為大也夫南山天下之阻也南有江淮北有河渭厥壤  
肥饒此所謂天下陸海之地貧者得以人給家足無饑  
寒之憂故豐鎬之間號為土膏其賈畝一金今規以為  
苑絕陂池水澤之利而取民膏腴之地土乏國家之用  
下奪農桑之業棄成功就敗事損耗五穀其不可一也  
且盛荆棘之林而長養麋鹿廣狐兔之苑大虎狼之墟  
又壞人家墓發人室廬令幼弱懷土而思耆老泣涕而  
悲其不可二也斥而闢之垣而固之騎馳東西車驚南  
北又有深溝大渠夫一日之樂不足以危無隄之與其  
不可三也故務苑囿之大不恤農時非所以強國  
富人臣願陳泰階六符以觀天變不可不省  
**司馬**

**卿賦獵上林**

亡是公听然而笑曰楚則失矣而齊亦未  
為得也夫使諸侯納貢者非為財幣所以

迷職也封疆畫界者非為守禦所以禁淫也今齊列為  
東藩而外私肅慎捐國踰限越海而田其於義固未可  
也且夫二君之論不務明君臣之義正諸侯之禮徒事  
爭游戲之樂苑囿之大欲以奢侈相勝荒淫相越此不  
可以揚名發譽而適足以貶君自損也且夫齊楚之事  
又焉足道乎君未覩夫巨麗也獨不聞天子之上林乎  
左蒼梧右西極丹水更其南紫淵徑其北終始瀕涯出  
入涇渭鄠陂鵠滌潏潏紆餘委蛇經營乎其內蕩蕩乎八  
分流相背而異態東西南北馳騫往來出乎椒丘之闕  
行乎洲淤之浦經乎桂林之中過乎泱泱之望汨乎混  
流順阿而下赴隘陋之口觸穹石激堆埼乎暴怒洶  
涌澎湃潭沸瀛汩偁側泌瀾橫流迅折轉騰激冽滂薄  
沆漑穹隆雲擾宛渾膠盭踰波赴汜莅莅下瀨批巖衝  
擁奔揚滯沛臨坻注壑濺潏實墜沈沈隱隱砰磅訇礚  
漨漨湑湑潏潏渠內沸馳波跳沫汨濺漂疾悠遠長淮寢  
謐無聲肆乎永歸然後灝灝潢潢安翔徐回萬乎漑漑

五



獸則獠旄獠華沱牛塵麋赤首圍題窮奇象犀其北則  
盛夏含凍裂地沙水揭河其獸則麒麟角端駒駝索駝  
蛩蛩驕驕駢駢駢駢駢駢駢駢駢駢駢駢駢駢駢駢駢駢  
四注重坐曲閣華榱壁瑞輦道纚屬步欄周流長途中  
宿夷峻築堂累臺增成巖窔洞房俯奇眇而無見仰攀  
椽而捫天斧星更於閨闈宛虹挹於楯軒青龍蚺蟻於  
東廂象輿婉蟬於西清靈囿燕於間館屋作之倫暴於  
南榮醴泉涌於清室通川過於中庭盤石振崖巖巖倚  
傾嵯峨嵯峨嵯峨嵯峨嵯峨嵯峨嵯峨嵯峨嵯峨嵯峨嵯峨  
玲瓏文鱗赤瑕駸駸瑩雜函其間晁采琬琰和氏出焉於  
是乎盧橘夏熟黃甘橙榛杞杞樵柿柰厚朴棗楊  
梅櫻桃蒲陶隱夫真棣谷還離羅乎後宮列於北園龜  
丘陵下平原楊翠葉杞紫莖發紅花垂朱榮煌煌扈扈  
照曜鉅野沙棠檉檉華楓枰櫨留落胥邪仁頻并閭棧  
檀木蘭豫章女貞長千仞大連抱夸條直暢實葉後櫟  
攢立叢倚連卷欒危雀錯發亂坑衡間柯垂條扶疎落

英幡纒紛溶箭麥猗猗從風劉荏卉歛蓋象金石之聲  
管籥之音條池莛虎旋還乎後宮離襲絳輯被山綠谷  
循坂下隰視之無端究之無窮攷飛螭蛭蛭蜩螗條猗胡  
駁蛻棲息乎其間長嘯哀鳴翩幡五經天螭枝格偃蹇  
杪顛踰絕梁騰殊榛捷垂條掉希間牢落陸離爛漫遠  
遷若此者數百千處娛游往來宮宿館舍庖厨不徙後  
宮不移百官

備具云云

### 揚子雲羽獵賦序

孝成帝時羽獵雄從以  
為昔在二帝三王宮館

臺榭沼池苑囿林麓藪澤財足以奉郊廟御賓客充庖  
厨而已不奪百姓膏腴穀土桑柘之地女有餘布男有  
餘粟國家殷富上下交足故甘露零其庭醴泉沅其唐  
鳳凰巢其樹黃龍遊其沼麒麟臻其囿神爵棲其林昔  
者禹任益虞而上下和草木茂成湯好田而天下用足  
大裕民之與奪民也武帝廣開上林東南至宜春鼎湖  
御宿昆吾旁南山西至長楊五柞北繞黃山濱渭而東

周表數百里穿昆明池象漢河營建章鳳闕神明駟安  
漸臺太液象海水周流方丈瀛洲蓬萊遊觀侈靡窮妙  
極麗雖頗割其三垂以贍齊民然至羽獵甲車戎馬器  
械賄侍禁籙所營尚泰奢麗誇詡非克舜成湯文王三  
驅之意也又恐後世復修前好不折中以泉臺故聊因  
校獵賦以風之其辭曰或稱義農宣或帝王之彌大哉  
論者云否各亦並時而得宜奚必同條而共貫則泰山  
之封馬得七十而有二儀是以創業垂統者俱不見其  
典邇通五三孰知其是乃作頌曰

詩集苑遊上苑

明朝一火急報春知  
花須連夜發莫待曉風吹  
下南苑  
寔音

物生顏色杜  
花中萬

梨花落

曲水飄香去不歸  
一盡成秋苑李賀  
芰荷香  
長

洲花名杜  
注長

園惠風蕩

園謝叔

源繁

散紅桃

虛園

古今合璧事類備要別集卷二十

欽定四庫全書

古今合璧事類備要別集卷二十一

宋 謝維新 撰

苑園門

園圃附藩籬

園林紀勝

園圃所以毓草木也果瓜給焉蔬如供焉材木需焉其利多矣然不種則不生不殖

則不蕃人力之不至則地產之不豐也故植木於園則梗楠豫章有以資吾之梁棟蒔菜於圃則韭菘葵菊有以充吾之盤飧其利果不為不多也否則荒蕪矣而欠鉏治旱暵矣而闕澆灌而欲於此求美木與

嘉毓豈有是理哉是則老圃之事也若樊遲請學為圃吾夫子之所深誦法真隱大澤講論藝術歷年而不窺園作史者以為美談此又名教中自有樂地而所得又豈止一草一木之細而已哉彼區區種藝之

功姑舍是

事類賁邱

東帛莠莠一于園易卦名

築場

九月一詩七月

有桃

其實之

散

折柳

夫瞿瞿詩樊圃狂

毓草木

以九職任萬民云云二曰園圃一一注植果蔬曰

園圃其樊種天官

植果菜

園一一圃植菜說大

乘田吏

孔子嘗為一一注花園之吏孟子

漆園吏

莊周為一一史記

園庾居

之一公陳留志之謂

列子居

一一

一園圃四十年人無識者莊天瑞篇

樊遲學

一一請一為圃曰吾不如老圃語

仲子灌

陵於

一辭卿相而

大人鑿隧

子貢過漢陰見一丈人為圃畦

用力甚多而見功寡子貢曰有械於此一日浸百畦夫子不欲乎丈人曰奈何曰鑿木為機後重前輕挈水若抽數若沃湯其名桔槔為圃者忿然作色而笑曰有機械者必有機事有機事者必有機心道之所不載也吾非不知羞而不為也子貢慙然而慙曰始吾以儀休拔夫子天下一人耳不知復有此人也在大地篇

葵

公一相魯一園

襄公鸞鑣

有田狩之事園圃之

樂馬云云遊於北園四馬既

衛侯虎幄

藉園求今名者

而始食焉太子請使良夫乘衣狐裘至袒

哀十終歲不飽中馬逸踐葵使子一客繫馬園三年不



窺董仲舒下帷發憤自相免歸戴宏為河間相自免歸而灌疏以經教授

使吏鋤治魏顏斐文材為京兆守於府圃則有蒔其

非蒔菜更瓜疇半區甘蔗辛薑陽幸陰敷日往圃樊以

菹亦名土茹葉覆地而生根可食人餓則以繼糧同上

鋤園得金成帝時沛國戴興鋤園擲金管寧華歆園中一菜見地

有片金管揮鋤與瓦石不異華捉而擲之世說取含消梨御宿園大梨如五勝落破其一梨先

以布囊承之號曰此園也三秦記聞蝦蟇聲晉惠帝在華林園

私乎晉書乘輿入園晉王獻之高適不羈雖閉居終日不息

辟強有名園先不相識一平肩一徑入時辟疆方會賓  
友獻之游歷既畢傍若無人辟疆勃然數之曰傲主人  
非禮也以貴驕士非道也失其二者不足齒  
之信耳便驅出門獻之傲如也不以屑意  
翻車濯園

魏馬鈞巧宦絕世居京都有地可以為園而無水以灌  
乃作一一一令兒童轉之而一水自覆更出更入巧倍

於種菜供啖柳元景為尚書令南岸有數十畝菜園守  
園人賣菜得錢三萬送宅元景曰我立此

園一一以一家中一耳乃復賣以取錢盜筭不問齊范  
奪百姓之利耶以錢乞守園者宋書

家貧以園蔬為業見人盜其松元琰遽走欲起其媿恥  
或有涉溝一其者元琰伐木為橋以渡之盜者大慙

茂林衆果余以元康六年從太僕卿出為使持節監青  
徐軍事征虜將軍有別廬在河陽縣界金谷

澗中或高或下有清泉一一一竹柏藥草之屬莫不  
畢備又有水碓魚池土窟其為娛目歡心之物備矣崇

金谷詩序  
**奇花異草**  
所今基址猶存天下  
一里建堂樹百餘

石廬不畢致其間故德裕自製平泉草木記今悉蕪絕  
唯鴈翅檜珠子柏蓮傍玉藻等蓋僅存之怪石名品甚

衆多為洛城有力者取去唯禮星石及師子  
石今為陶學士徙置梨園別墅賈氏談錄  
**元圃梨園**

晉太康中梨西枝與東枝合生於  
一園中皇太子令侍臣作頌  
**緱圃瓜獻**  
四月帝憶瓜明崇儼

索百錢湏更以瓜獻  
曰得之  
一氏  
中  
**延平林園**  
李晟賜  
一  
**奉誠亭觀**  
馬

子一終少府監諸子無室廬自託  
一園  
一即其安邑里舊第並孔帖  
**漢陽遺業**  
唐韋阜遷山南

節度使張柬之有園圃在襄陽皇晏集將市取之馬與  
曰  
一有中興功今  
一當百世共保奈何使其子孫

聞乎卑謝曰主吏失詞以  
為君羞微君安得聞此言  
**帝城勝景**  
芙蓉在京羅城東南隅有青林重復

綠城瀟漫益——  
駕時幸之景龍文館記  
**豈獨平泉石**  
五代張全義唐莊  
宗時為太師尚書

令兼四鎮節度使監軍得李德裕平泉莊醒酒石德裕  
孫延古託全義復求之監軍忿然曰自黃巢亂後洛陽

園宅無復能守——  
在賊亂中以為幾已大怒答殺之本傳  
**不受園丁錢**

溫公營獨樂園園子呂直性愚公以直名之春時人遊  
園子得茶湯錢十千閉園日與主人分之一日來納公

公曰此自汝錢可持去再三欲留公怒遂持之顧曰只  
端明不受錢者後十許日公見園中新創一井亭問之

乃前——  
創也元城語錄

**藩籬羊觸**  
其角易大壯  
**蠅營**  
于樊毛詩  
**雉蓄**  
澤——

百步一飲不斲——  
神雖王不善也莊養生篇  
**枳樹**  
賦隄六枳而為籬——

一以為藩籬

**棘扈**

姜晦除吏部侍郎主選舊吏嘗請託為奸前領選者周

猶不禁至晦悉除之

**壓藩**

楊收吳人號神童里人多造門觀賦詩至收一其

之曰爾非羸角者

**植籬**

庾哀與弟子一跪而授條曰幽顯異操非君子意晉書

**陶**

**淵明歸去來辭**

歸去來兮田園將蕪胡不歸詳見前還歸門

**李德裕平泉莊**

**記**

經始平泉迫先志也吾隨侍先大師忠公在外十四年上會稽探禹穴歷楚澤登巫山遊沅湘望衡嶠忠

公每雖舟清眺意有所感必悽然遐想屬在伊川嘗賦詩曰龍門南嶽盡伊原草樹人煙目所存正是此州梨

衆熟夢魂秋日到郊園吾心感是詩有退居伊洛之志前守金陵於龍門得喬處士故居天賢末避地遠遊遂為

荒榛首陽微末尚有薇蕨山陽舊侶唯餘竹木吾乃剪荆棘驅狐狸如立班生之宅漸成應史之地又得江南

珍木奇石列於庭際平生素懷於此足矣吾嘗以為出處者貴得其道進退者肯不失時古來賢達多有遺恨至於玄相潛身於柱史柳愚養德於士師漢代邴曼容官不過六百石終無辱殆遯難及矣越蠡激文斗以肥遯留侯託黃老以辭世亦其次焉范曄感蔡澤一言超然高謝鄧禹見功臣多敗委遠名勢又其次也矧如吾者於養無術足之智處鴈有不鳴之患雖有泉石者無歸期留此林居貽厥後代鬻平泉者非吾子孫也以平泉一樹一石與人者非佳子弟也吾百年之後為權勢所奪則以先人所命泣而告之此吾志也詩曰維桑與梓必恭敬止言祖父所植也昔周人之思召伯愛其所憩之樹近代薛令君於禁省中見先祖所據之石必泣然流涕汝曹可不慕之唯岸為谷谷為陵然後已焉可也五代張全義唐莊宗時為太師尚書令兼四鎮節度有監軍嘗得李德裕平泉醒酒石德裕孫延古託全義復求之監軍忿然曰自黃巢亂後洛陽園宅無復能

守宜獨平泉一石哉全義嘗在賊巢中以為譏已大怒  
咎殺之卒傳歐陽集古錄跋云余讀鬼谷子書見其  
馳說諸侯之國必視其為人材性賢愚剛柔緩急而因  
其好惡喜怒憂樂而捭闔之陽開陰塞變化無窮顧天  
下諸侯無不在其術中者惟不見其所好者不可得而  
說也以此知君子宜慎其所好蓋泊然無欲禍福不能  
動而利害不能誘此鬼谷之術不能為者聖賢之高致  
也其次簡其所欲不溺於所好斯可矣若德裕者處富  
貴招權利而好奇貪得之不已至或疲弊精神於草木  
斯其所以敗也其遺戒云壞一草一木者非吾子孫此  
又近乎柳宗元訾家亭記大凡以觀遊名於代者不過  
視於一方其或傍達左右則  
愚矣以為特異至若不驚遠不臨危環山洄江四出如一夸  
奇競秀咸不相讓徧行天下者惟是得之桂州多靈山  
發地峭壁林立四野署之左曰離水水之中曰訾氏之  
洲凡嶠南之山川達於海上於是畢出而古今莫能知

元和十二年御史中丞裴公來蒞茲邦都督二十七州  
諸軍州事盜遁姦孽德惠敷施暮年政成而當天子平  
淮夷定河朔告于諸侯公既施慶于下乃合僚吏登茲  
以嬉觀望攸長悼前之遺於是厚貨居暇移于閒壤茂  
惡木刪與草前指後畫心舒目行忽焉若飄浮上騰以  
臨雲氣萬山面內重江東臨聯嵐含輝旋視其宜常所  
未覩倏然互見以為飛聲奔走與遊者偕來乃經工庀材  
考極相方南為燕亭延宇垂阿步蔭更衣周若一舍北  
有崇軒以臨千里左浮飛閣右列閒館比舟為梁與波  
昇降苞灘山含龍宮昔之所天蓄在亭內日出扶桑雲  
飛蒼梧海霞島霧來助游物其隙則抗月檻於迴谿出  
風榭於簋中畫極其美又益以夜列星下布顯氣迴合  
遽然萬變若與安期羨門接於物外則凡名觀游於天  
下者有不屈伏退讓以推高是亭者乎既成以燕歡極  
而賀咸曰昔之遺勝樂者必於深山窮谷人罕能至而  
好事者後得以為己功未有直治城闕闡閭車輿步騎



朝過夕視訖千百年莫或異顧一旦得之遂出於他邦  
雖博物辯口莫能舉其上者然則人之心目其果有遠  
絕特殊而不可至者耶蓋非桂山之靈不足以環觀非  
是洲之曠不足以極視非公之鑒不能以獨得噫造物  
者之設是久矣而盡之  
**司馬公獨樂園記**孟子曰獨樂  
於今余其可以無猶乎  
樂樂與少樂樂不如與衆樂樂此王公大人之樂非貧  
賤者所及也孔子曰飯蔬食飲水曲肱而枕之樂亦在  
其中矣顏子一簞食一瓢飲不改其樂此聖賢之樂非  
愚者所及也若夫鷗鷺巢林不過一枝偃鼠飲河不過  
滿腹各盡其分而安之此乃迂叟之所樂也迂叟始家  
洛五年為園其中為堂聚書五千卷命之曰讀書堂云  
云迂叟平日多處堂中讀書上師聖人下友羣賢窺仁  
義之原探禮樂之緒自未始有形之前暨四逆無窮之  
外事物之理舉集目前所病者學之未至夫又何求於人  
何待於外哉志倦體疲則投竿取魚執衽來藥決渠灌

花操斧斫竹濯熱盥水臨高縱目逍遙相狎惟意所適  
明月時至清風自來行無所牽止無所扼耳目肺腸悉  
為己有踴躍焉洋洋焉不知天壤之間復有何樂可以  
代此也因合而命之曰獨樂或咎迂叟曰吾聞君子所  
樂必予人共之今吾子獨取於己不以及人其可乎迂  
叟謝曰叟愚何得比君子自樂恐不足安能及人况叟  
之所樂者薄陋鄙野皆世之所棄也雖推以與人且  
不取豈能強之乎必也有人肯同此樂則再拜而獻之  
矣安敢  
專之哉  
**葉水心北村園記**  
戶部尚書吳興沈公園於城  
村畝餘三十中涵五池大半皆水也其為叢花茂木之  
蔭狹矣靈壽書院旁有空隙而移老堂廢屋地不過三  
楹而止其為崇閣邃宇之居褊矣洲藏渚伏濠港限隔  
非舟不能通道相為市者皆魚蝦之友菱芡之明而冠  
帝車馬之來絕矣併日却坐分夜獨宿艣回棹轉穿南  
北而透東西遺音款乃常在庭除而絲竹鼓鐘之奏息

矣蓋其陋若此也惟對湖臺高不逾丈其區前臨湖心  
遠峯明晦滅沒近而後溪鳳凰毗弁諸山往往湊泊於  
溪山亭之下殆或天與者雖然是亦樵夫野人之所同  
有也若夫城中甲觀大囿照曜映奪曾不敢仰視而側  
立也吾聞古之善遊者精於天而不精於人今吾齒莽  
而營之苟且而成之姑以置吾身於一壑之內而遊於  
天地之外非所謂粗耶故名其囿曰自足而甲觀大囿  
照耀而映奪者非惟不敢望亦不敢羨焉余謂公冲約  
有清識既以天趣得真樂而又能挹損其言不自夸擅  
可謂賢矣余嘗評天下山水之美雖質大變態各異而  
吳興特為第一其山脉地絡融液而浸灌者莫非氣之  
至清淨止演漾澄瑩紺微數百十里接以太湖蒲荷蘋  
蓼盛衰榮落無不有意而來鷗鳥焉風帆浪楫恣肆渺  
瀰不知其所窮昔之功已就若范蠡身不用若張志和  
之流未嘗不遁逸嘯歌於其間蓋仙聖之宅非人世也  
余海濱之人山凡水俗常恨不得生長其地而尚友其

賢豪沈公乃以築園曲折名實大楊誠齋帶經軒記楊

指使余記之豈非所願欲也哉  
將闢軒於南溪之北涯其地甚肥而美可為畦以蔬而  
朝夕挾書於斯一日與客觀之且夸其地客曰美則美  
矣然今之人目辨紅紫者其心不能應答問之是非手  
捉方圓者其耳不能聽英莖之節奏子於此乎書則蕪  
子之蔬子於此乎蔬則蕪子之書入焉在於帶經而鋤  
余曰不然書者吾事蔬者所以寓吾意也早夜孜孜披  
閱古今非徒為是說說者而其志在乎堯舜禹湯文武  
之事業故謂之吾之事然既藏必遊息也由是寓志於  
韭菰葵菊之間而忘言於韭菰葵菊之外非意也乎雖  
事者本也意則末矣烏在乎其意也然學道自洒掃應  
對進退皆足入乎道雖末也無害其為本故說者謂君  
子不當忘乎意况畦而列之橫斜有徑高卑有陳則君  
子之宮庭壇宇也種植有時采掇有芳芬馨辛烈有類  
有族則君子之陳立經紀也灌之溉之由是得涵養之

銜鋤之耨之由是得修慝之理如是則荷鋤而趨趨不害其為書帶經而嘯喘不害其為蔬吾豈若樊遲哉規規然專務為老圃之事而董仲舒不為窺園之勤彼二子者所謂楚失而齊亦未得也

# 六一居士

## 真州東園記

真為州當東南之水會故為江淮兩浙荆湖發運使之治所龍圖閣學士施君正臣

侍御史許君子春之為使也得監察御史襄行焉君仲奎為其判官三人者樂其相得之歡而因其暇日得州之監軍廢營以作東園而日往遊焉秋八月子春以其職事走京師圖其所謂東園者來以示予曰園之廣百畝而流水橫其前清池浸其右高臺起其北臺吾望以拂雲之亭池吾俯以澄虛之閣水吾泛以畫舫之舟敞其中以為清燕之堂闢其後以為射賓之圃芙蓉茭荷之的歷幽蘭白芷之芬芳與夫佳花美木列植而交陰此前日之蒼煙白路而荆棘也高甍巨桷水光日影動搖而上下其寬閒深靚可以答遠響而生清風此前日

之類垣斷塹而荒墟也嘉時令節州人士女嘯歌管絃  
此前日之晦明風雨颼颼鳥獸之啤音也吾於是信有  
力焉凡園之所載益其一二之畧也若乃非於高以望  
江山之遠近嬉于水而逐魚鳥之浮沈其物象意趣登  
臨之樂覽者各自得焉凡工之所不能畫者吾亦不能  
言也其為我書其大槩焉又曰真天下之衡也四方之  
賓客往來者吾與之共樂于此豈獨私吾三人者哉然  
而池臺日益以新草樹日益以茂四方之士無日不來  
而吾三人者有時而皆去也豈不春春於是哉不為之  
記則後孰知其自吾三人者始也予以為三君子之材  
質足以相濟而又協于其職知所後先使上下給足而  
東南六路之人無辛苦愁怨之聲然後休其餘閒又與  
四方之賢士大夫共樂于**李濟南書洛陽名園記**後洛  
此是皆可嘉也乃為之書  
處天下之中扶散澠之阻當泰隴之襟喉而趙魏走集  
盡四方必爭之地也天下當無事則已有事則洛陽必

先受兵余故嘗曰洛陽之盛衰者天下治亂之候也方  
唐貞觀開元之間公卿貴戚門館列第於東都號千有  
餘邸及其亂離繼以五季之酷其池塘竹樹兵車蹂蹴  
廢而為丘墟高亭大榭煙火焚燎化而為灰燼與唐共  
滅而俱亡無餘處矣余故嘗曰園圃之興廢洛陽盛衰  
之候也且天下之治亂候於洛陽之盛衰而知洛陽之  
盛衰候於園圃之興廢而得則名記之作余豈徒然哉  
嗚呼公卿大夫方進於朝放乎以一已之私自為而忘  
天下之治忽欲退享此  
得乎唐之末路是矣

詩集夜追隨

清一遊西園飛  
蓋相一曹植

日蒼翠

我國一杜甫詩

問葵藿

耕地桑柘間地肥菜芋熟為一一美爭如  
廟堂肉高適同羣公題張處士菜園詩  
舉桔槔宿雨  
晨春寒著弊袍開畦分白水閒柳發紅桃草際成茶局  
村端一一還持鹿皮几日暮隱蓬蒿王維春園即事

春松閣

搏擊路終遠南園且漼畦敢言逸俗態自是樂  
幽棲棄長一一科園早壅齊雨沾虛檻冷雪

壓遠山低竹好還成徑挑天亦有蹊小窓奔野馬閒覓  
養醲雞水石心適切煙霄分已睽病憐王猛畚愚笑鬼

泥潭圓潮平岸江村柳覆隄到  
暮花飛上士愛清輝  
頭衆興是誰手好提携羅隱南園開門向翠微

抱琴看鶴去枕石待雲歸  
野坐苔生席高眠竹掛  
地接衣舊山東望遠惆悵  
————李端題崔端公園林

吾廬

鄧平衣一就牀吹落讀殘書  
風欺不在就牀吹落讀殘書  
盧綸老圃堂乞作

醉鄉

天子優賢是有唐鑑湖恩賜賀知章他年我  
若成功去一取南園一一薛能南園偶題書成

煙景

韋曲樊川雨半晴竹莊花院遍題名——垂  
楊色滴破春愁壓酒聲滿野紅塵誰得路連天紫

閨獨開情漢陂水色澄於鏡  
何必滄浪始濯纓鄭谷郊墅  
**未經霜草**已落地花方遣  
掃————莫



教鋤馮長樂七  
歲吟治圃詩

### 客道故鄉

旅泊多年歲老去不知迴忽  
連門前一發一來飲眉

俱握手破涕共銜盃殷勤訪朋舊屈曲問童孩衰宗多  
弟姪君箇賞池臺舊園今在否新樹也應栽柳行疎密  
布茅簷寬窄裁經移何處竹別種幾株梅梁當無絕水  
石計總生苔院果誰先熟林花那後開羈心祗欲問為  
報不須猜行當驅  
下澤去剪故田萊  
守送名花  
隴右諸侯供語鳥日南太

### 小亭荒榭

洛下園池不閉門洞天休用別尋春縱遊只  
却輸閒客適入何嘗問主人更一欄花自

好儘一臺一景纔真虛名誤了無涯事  
未必虛名捉到身即竟夫洛下園池

### 青山流水

在屋

上——在屋下有五畝園花竹秀而野花香襲杖履  
竹色侵簷竿樽酒樂餘春恭局消長夏洛陽古多士風  
俗猶爾雅先生臥不出冠蓋傾洛社雖云與眾樂中有  
獨樂者才全德不形所貴知我寡先生獨何事四海望

陶治兒童誦君實走卒知司馬持此欲安歸造物不我  
捨名聲遂吾輩此病天所措撫掌笑先生年來效啞啞  
蘇子瞻司馬君  
誰家美園  
朝遊北城東回首見修竹下  
實獨樂園詩

扣其戶幽響答空谷入門所見夥十步九移目異花兼  
四方野鳥喧百族其西引溪水活活轉牆曲東注入深  
林林深牕戶綠水光兼竹靜時有獨立鵲林中百尺松  
歲久蒼鱗感豈惟此地少意恐闌中獨小橋過南浦欠  
道多喬木隱如城百雉徙若舟千斛陰陰日光淡黯黯  
秋氣蓄盡東為方池野鴈離家驚紅梨驚合抱映島孤  
雲靄春光水浴漾雪陣風翻撲其北臨長溪波聲卷平  
陸北山臥可見蒼翠間硤禿我時來周覽問此誰所築  
云昔李將軍負險乘衰叔抽錢算間口但未推羹粥當  
時奪民田失業安敢哭  
破千家鬱鬱城之麓將軍竟何事蟻虱生刀韜何嘗載  
美酒來此駐車轂空使後世人聞名頭猶縮我今官正

間屢至因休沐人生營居止竟謂何人卜何  
當辦一身永與清景逐蘇子瞻題李家園  
**儵舍為圃**

事正如此人生聊自怡霜松未及尺獨我見奇安張丈

潛種 **茅齋看地形** 我從銅州來見子上京客問我故鄉

應識明游搃強健童稚各長成華宗盛文史連牆富池

亭獨子園最古舊林間新垌柳行隨堤勢一歲終青院

竹從去年移梅是今年榮渠水經夏響石苔終歲歸我

果早晚熟林花先後明語罷相歎息浩然起深情歸我

且五斗餉子東臯耕來仲晦 **棘針樊笋徑** 種園得果僅  
答王無功思故園見鄉人問 **物情多相稱** 偶向東  
童烏雀搔已挿至能田園雖興 **湖更向**  
魚網蓋櫻桃苑至能田園雖興  
東數聲雞天翠微中遙知楊柳是門處似隔芙蓉無路  
通樵客出來山帶雨漁舟過去水生風物情多與閒相

稱所恨求安計不同  
花影不分明  
竹邊臺榭水邊亭不  
劉威黃處士園林詩

柳條無氣力半晴  
飛禽有喜聲只欠翠紗紅映肉  
謂海棠雨來幽徑無數

生楊花秀春  
花開一徑行  
李橋杏紅梅碧桃芙蓉九種

花木名植一徑命曰三三徑  
三徑是淵明誠齋庵有三三徑一徑初開是蔣卿再開

秀三  
日長無客到  
蝴蝶雙雙入菜花  
雞飛過籬犬吠竇知有行商來買茶

能至  
曲折迷歸途  
長輝麗丹極翼翼伴帝居向東堂上  
人零落煙海隅聯翩際時會振跡皆

刑餘閨惟尚帝主  
呼樓船戴花石里卷無袴襦至今江左地風雲亦嗟吁

叨榮已過量受禍如償逋荒涼戰門路尚想冠蓋趨客  
船維岸柳隣人曾池魚徘徊極幽觀  
夜月

扃綺戶春風散羅裾繁華能幾時喪亂實感予  
曹鄴予何譏此曹真人奴劉子肇題朱勳園

古今合璧事類備要別集卷二十一